

抱

冲

齋

詩

集

抱冲齋詩集卷三十五

長白 斌良 笠耕

扈蹕延恩集一

三月初七日出阜城門過重興寺小憩

仲春晴久鬱風沙駐馬名藍偶啜茶礪硃瘦槐擎鐵爪夷猶驛

柳綻金芽鳩摩經譯車三乘蛇勢書摹宋四家

壁懸老僧慧珠草書甚佳案有

集蘇黃米蔡帖老衲情殷期賃廡回 鑾有約此看花

乘馬度盧溝橋寫懷

鎖鑰燕京扼要衝鼙梁千尺架晴虹峯巒岌岌排青黛灘激灤
洄走瀕濠職領冬官稽汜埽政司秋署詰兵戎弓韜箭箠貌貅
擁立馬盧溝也自雄

自盧溝橋隨扈至黃新莊沿途寫望仍墨東坡山行韻

繫韉日侍屬車行十萬霜蹠靜有聲時晏抱關停擊柝軍排斥
堠各鳴鉦鴉盤古柳夕陽晚馬飲平橋新漲清翠罕臨郊民
不擾羽林按轡看春耕

黃新莊行營夜坐疊東坡韻

令肅期門少客行鐙明萬帳寂無聲守更元自環驃騎司寤何
須設鼓鉦情話每聯行榻矮朗吟好伴夜檠清鞅塵奔走原臣
分漫想南陽學退耕

連日與瑞芝生靈薌生和蘭莊諸公行帳談詩喜作

慶盍朋簪亦數奇連茵並轡洽心期夙聞賈島金鎔佛何地平
原繡買絲官雅不妨人送酒政閒贏得吏鈔詩諸公半是瀛洲
彥壁紙翻嫌織錦遲

自謂絹籠速翻嫌織
錦遲宋人舊句也

道旁村落見桃花喜題

羽林八部勇超羣黃白紅藍甲褂分灑道清塵遏車騎回羅兵

校亦殷勤綠營執紅漆回羅盛水

鞅掌連宵扈從臣蒙茸蓐食未朝嗽只緣管道來偏暮策馬猶

堪上晚門管道大臣須恭候主位關防過境隨護上門早門

詔已過只待晚門

橋陰隴畔慣徘徊小隊弓刀雁字排噶拉馬前茶馱過紅雲遙

捧

聖人來

習勞家法善遵循 帝子辰旂護 紫宸射鹿重蒙

天一笑髫齡英勇邁羣倫十六日圍場四阿哥射鹿一隻

驍勇期門數虎槍朱纓白褶繡花褶晾鷹臺畔斑奴殪獲雉應

知若箇強虎槍營兵皆穿白布馬褂

南苑春蒐獵幾圍平原草淺獸初肥書生攬入貔貅隊一例長刀短後衣

高下茅棚傍曲隈長街陡頓向營開莫愁野外無供給自有屠

沽趕檔來

行營買賣街屠沽輩趕檔子即古之趁墟相似

平平王道望無垠煙柳迷離帶曉村傳道烏登朝膳畢小璫飛

騎報宮門

凡駕臨小憩之所名曰爲頭二分烏登漢語即中伏也

行營雜詠恭和乾隆

御製原韻

氈廬

氈製爲廬住有那縱橫竿木載明駝紅消獸炭垂簾密翠潑螺峯入牖多圓幕裁將疑覆金方亭縛就待牽蘿盲風苦雨頻遮護行役翻成安樂窩

雨溝

潑墨雲陰壓樹頭隄防多術不須愁鑿坏高下疑殘壘夾幕東
西引曲溝天上有時施浩澤地中無處不清流小減畚鍤工疏
濬未雨先宜一壑謀

風竿

長竿風旆仁輕搖影滉龍蛇舞碧霄榆塞好憑番騎識柳溪錯
認酒帘招翦紅刻翠饒新式方勝圓泉記各標月黑寥天休悵
惘籠鐙光耀燭深宵

馬絆

銅丸注阪騎飛馳絆索伊誰具妙思卓爾雙蹏驚縛束奇哉千
里亦縻羈驕思昂首青霄月倦臥空懷白草陂畢竟英雄工駕
馭權衡司牧豈能知

駝裝

大漠沙明走駝力
伴獅象實堪多
慣衝凍雪眠荒磧
獨識流泉俯近坡
百貨牢籠行李便
雙峯磨颭隔林過
蹣跚款步休嫌緩
縱陟危巒少跌蹉

銅晷

銅範歐邏巧製初
範銅爲日晷其製出自歐邏巴後流傳至中國
指南鍼準渾儀如萬
年甲子循環歷十二
元辰次第書測景釐毫
時不舛超公晷刻
整多餘夙聞大禹分陰
惜先聖箴規足警余

十九日移營至舊衙門喜成

短齋黏天極睇遐
大儀圓笠四圍遮
朱垣碧甃排蕭寺
元靈宮功德寺

延壽寺三處皆相距不遠
鐵勒金根擁舊衙
閣迴

皇情多悅豫
牲蕃苑使亦光華
今年上幸南苑草木蕃盛牲獸亦多得旨嘉獎
舉

頭仰見如珪月玩賞明宵喜到家

三月廿日坐鏡鷗齋喜題

于役十三日歸來景物新趾高生悔吝

謂日前失境儉每因循

欲修葺聽綠山莊未果

山杏紅初綻穉楊綠半勻羊求約相過廣唱莫辭

頻邇日欲延方小東到館

廿二日夜雨曉起過澹園

甘膏霰霖醒苔茵似識歸來代洗塵柳眼花鬢添娥媚雲容水
態益精神寒輕料峭青綾襲春晚續紛紫雪勻有約名葩過玩
賞海棠顛合屬吾人

廿六日鄧鶴臣觀察有花之寺賞花之約

和陳子玉明經見贈南苑扈

蹕還京原韻

花跼柳眼媚芳春豹尾班聯沐

寵新纔迓辰旂鞭玉勒復隨甲仗送雕輪敢云許史勳庸裔忝
列潘楊侍從臣萬帳貔貅環宿衛儼如北極拱星辰

腰鞬旬洽奉

鑾輿喬木蒼煙認舊廬高詠何曾追四始潛脩大好勵三餘麒
麟彩椶空儀表牛馬巾裾少讀書鶚薦九秋眞奪錦切磋有效
信非虛

謂慶福崇福兩兒

三月廿五日黃寺大教場看操還至普濟禪林竹庵與

裕琬和尚啜茗題壁

觀兵耀武趁侵晨還訪垂楊古寺春籬角嫵紅低媚客城陰蛾
綠悄窺人林香法乳成心印波滢華紋洗眼塵水珮風裳通淨
果華嚴樓閣證蓮因

僧裕琬於寺後築畫樓五楹爲賞荷處所

和潘芝軒相國歲朝賞菊原韻

幽姿久耐雪霜殘
瓶隱今偏歷
醞寒佳色夙聞聞
晚節秋英新
與伴朝餐清芬
柏子堪同嗅
瘦影梅花許共看
東閣揮毫添韻
事延齡壽客對椒盤

題潘星齋太史

曾堂

畫菊仍疊前韻

彷彿東籬開未殘
折枝貌出帶霜寒
筆花著處人同淡
墨暈消時秀可餐
最好賞宜鈴閣靜
可曾張向竹屏看
狂思贈我蕭齋壁
一幃秋容侑飣盤

扇湖書卽目六言

樓外一方春水韡
紋綠浸衣裾
牧傍苔磯洗馬童
坐柳根釣魚
四月十三日夜夢
游覽芳園有句云
花裏有香閒始覺
竹陰得趣靜方知
旁一老翁云何不
改作花外有香閒
始覺竹深無暑到
方知醒而異之遂
於枕上足成

之

抹月批風任意之雕肝鉅腎播妍詞千言倚馬成篇易一字鬚
拈得髓遲花外有香閒始覺竹深無暑到方知禪機道味真精
蘊一卷黃庭獨對時

朱家小寓題壁

豐林濃綠聚風聲手把縹緗對晚晴釘壁圖書懷舊雨繞階盆
盎發新莖英年早勵搏鵬志謂大兒耄齒偏深舐犢情半日偷
閒宛湯沐始知境靜得心明

大兒延福陞授光祿寺署正二十日恭赴 圓明園具

摺謝

恩感成

紱簪出入

主恩頻扈

蹕明禋傍

紫宸

良於二十日隨之四日復有稽察

駕還京月

之命秩忝右班陪侍從

刑部凡一切朝會大典屬右翼均在右班

寵容前席獨敷陳

二十日謝

恩

上諭

進前跪奏誠異數也

承家

子愧蘇瓌敕法臣輸敬伯醕刑柄竊叨無寸補允明

天語懷書紳

澹園小集邀同陳子鶴中丞潘紱庭中翰席間賦贈

正思折簡宴佳賓酥雨連宵代洗塵
兔目槐陰濃欲滴螺紋巒翠澹疑皴
軼倫才調青錢選耐久朋交玉醴醕
竿牘勞形湯沐解論心難得共雷陳

百年遺構此菟裘喬木蒼煙畫本幽涼淺苔磯消膩漲春深花

隴蘊飛樓求書楮語頻敦促

去歲索子鶴中丞書向日樓聯語至今尚未書就故及之疊詠

詩筒合唱酬好趁麥天梅雨潤碧雲聯轡訂清游

月之下游約同游西山鵲

雲寺

圓明園瀑直後鄧鵠臣觀察邀同葉東卿駕部雷春霆御史崇

效寺看牡丹還家作

鑪煙袖惹早朝歸小駟趨趨款竹扉不道身忙心轉逸恰逢紅
瘦綠初肥韶光荏苒春三厯公讌周遮錦一圍古柳槎枒相識
否車盤細篆路依微

堂頭相報肯奔塵裙屐聯翩轉曲廊禮數豈緣吾輩設客顏略
比昔年蒼廚開櫻筍聯今雨座嵌碑銘慕古狂遮莫爭墩學王
謝我同公號亦何妨

壁間懸查梅舫書署
款適與余號相同

白頭老衲共周旋堂闢澄觀肆几筵麗景適當三月後舊遊追
話廿年前繡衣驄馬偕賓彥淨域天香締妙緣輸與石林招隱
早興齊雲鶴共蹢躅

漫說姚家與魏家，
芬芳紅紫燦雲霞。
鵲來鹿苑莊嚴地，
欣賞燕京富貴花。
刑柄忝司紛莫理，
朋簪慶盍寵頻加。
莫嫌選勝歸家晚，
好趁蟾圓踏月華。

和陳子玉明經

燧

澹園卽目之作

羈戀林陰夕照遲，
長廊負手獨吟時。
唧花蜂鬧依高棟，
吸露蟬鳴曳別枝。
欲齧菜根須學圃，
肯聽風鑑驟平池。
近有風鑑術士勸填澹園中魚池。
敲夢裏更新詠，
好共詩仙撚白髭。
謂日前夢中遇詩仙改詩事。
政冗雲亭散直遲，
藤陰小坐話移時。
仁看鵬鶚翔千仞，
且學鷦鷯寄一枝。
劉向經傳照藜閣，
惠連詩夢戀春池。
簿書填委稍餘暇，
兀自頻拈頰下髭。

六班直舍偕遠村侍郎

德厚

夜話

回憶無間詠古松，
刹那頃歷幾春冬。

余於癸卯在瀋陽曾偕官少司馬詠北鎮廟古松。

情都逐浮雲澹詩思還方細茗濃閉戶坐憂天下計匡時行仰
昔賢蹤直廬偶念長征客應過壺蘭塞上峯坐中談及禧仲蕃將軍自盛京起程還京

可龔六弟奉庶母張太恭人諱於四月下旬抵都感賦
戴星奔走歷閒關握晤驚看深墨顏縞素一官憂裏去琴書千
里歎空還巢居未穩羞囊涸窳將營擇地難斯事相逢稍慰
藉阿咸詩禮學能嫻謂姪延惠

一從仲氏莅灤京障塞迢迢別緒縈恰值迴車歸舊里復來聯
榻話深更自燕山弟於客臘赴熱河都統之任頗符曾綰丁
情悉韋佩常懸客氣平讀禮餘閒須養度外臺重陟倍崢嶸

題慈雲寺壁

三年未踏此招提縹馬涼陰認故蹊堂上苾芻多不識窗前梅

子秀初齋超塵蛻化埋新塔

時澄修上人
早經圓寂

釘壁鴻篇失舊題

辛巳

年所題舊
詩皆失去

風景不殊人半易依然門外簇輪蹄

端陽前一日過天王寺訪慧寬長老和東坡先生端午

徧游諸寺韻

挾被直五雲排日何蟬聯東華集冠蓋西清饜盤筵湯沐喜稍
息出郭風日妍遙峯抹青黛有意無意然豆房小窗闌須彌納
三千庭榴赤英豔節序鄰中天是處果閒靜小座意頗便老衲
設茶瓜話久生墟煙西齋我舊厯借榻猶堪眠夜偕靜明師同
參馬祖禪

曉起竹韻齋遣興並柬方小東茂才

朔

衫裁白葛嫩涼侵梅子黃時雨意深萍葉影開天影見棗花香
閒竹香沈山費未足妨賢路世事粗諳起道心恰喜吟朋聯近

局譚詩池北散幽襟

雨後池上散步

梅雨添新漲，方塘翠澈侵。
翻蒲朱鬣影，垂柳畫橋陰。
打槩誰攜酒，拖筇我獨吟。
江南兩詞客，鄉思比波深。

謂陳子玉方小東二君

雨後竹齋晚坐

纔歇檐端雷，旋看屋角金。
蟬聲穿樹遠，人語隔窗深。
煙暮螢光燦，香隨蝶夢尋。
海藏誰識我，抱膝發孤吟。

華真觀裕琬和尚新構梵閣五間爲觀荷之所余顏曰
妙蓮閣詩以落之

疏櫺齊拓枕，湖煙如篴真。
詮喻妙蓮風，過荷香穿檻。
曲雨餘嵐翠，潑簾前鯨鏗。
頓悟聲聞果，龍鐘能參竹。
篴禪擬共宗，雷聯社約伊蒲一鉢飯鷗邊。

自題少作東香書屋詩鈔

塵羹土飯列紛然似腊枯魚味不鮮細校一編增愧悚悔畱鴻迹印泥邊

不求詭譎闢清新兩宋三唐結慧因妙筆靈心師造化萬花攢錦各精神

範水模山結古歡通眉長吉嘔心肝箇中消息同觀弈看恰分明著手難

精理爲文氣始迢批風抹月枉雕搜折枝花木無原水星海誰探綵繪淨

吟懷身世屢移遷刻意雕蟲五十年若向言詮覓真諦楞嚴翻徧恐非禪

竹齋小坐東方小東仍疊前韻

靜坐心光朗纖埃不受侵池寬波益漲窗暝樹留陰妙友多佳
況謂星齋太史閑蹤託淡吟相將探學海蠡測未知深

和靈薌生大銀臺秋興原韻

舊雨欣晤言新茶破濃睡高樹一蟬吟引人動秋思

年來處境頗儉囊內常空廐奴以芻豆告罄至無以應
爰檢藏書數十函質錢付之感成二絕

俸薄需殷慣食貧趨公排日困勞薪藏書質得供芻費萬卷能
扶大雅輪

持廉夙尚不言貧無那長安要米薪權把玉杯瓊屑換轉移妙
策似風輪

小山尙書

恩桂

新構林亭余偶過賞畱酌於迎陽半幅

精廬卽席賦贈

贊皇花木舊平泉樓閣重營得地偏纔向 彤廷資獻納復過

綠野共流連

開爲長牧庵相國舊第小山購得重修葺之

廊迴樹隱疑無路風約萍

開別有天石丈依然蒼蘚繡停杯細爲話因緣

庭前三峯卓立奇秀異常本城西舊家物先尙書欲購置澹園相國聞之先行攬買彼時正同官秋曹也

何須斫鱸向蓬池隨分盤筵且酌之柳霖塘幼魚亦樂茶烹竹

裏鶴先知劉盧聯袂欣茲夕韓范論心訂後時

小山擬延請海帆偉堂豫坤栢

堂諸老

過賞

名迹鷗波佳刻在寄言芥壁漫題詩

廊嵌橫雲山人家刻趙松雪書十札

原石故戲及之

招徠齋集卷三五

川口リニ表

同懷弟法良校刊

男崇福謹校重刊

抱冲齋詩集卷三十五

長白 斌良 笠耕

扈蹕延恩集二

閏夏三日西淀散直細雨溟濛修途平坦沿村風景甚佳入德勝門順至華真觀登妙蓮閣賞荷適有客開宴旋即迴車賦詩紀之

入直承明廬鵠立倚仙仗還轅塵鞅促極睇襟懷暢平楚浩無垠眾綠窈窕難狀煙林短於薺遠水平無浪修途互威紆東西迷背向葭葭偃翠梢溝塍添膩漲小乘恣趨趲宛若漁舟漾行行度略約倍覺神張王酒帘茅屋挑茶肆柳陰傍小憩倘停驂消渴甘瓜餉沁肺蜜筒涼迴勝沾春釀香風逆鼻吹倏歷依隍蕩百雉高城圍一鷺孤槎上振轡入闔闔勝境忽思訪古觀號華

眞濱湖像蓬闌山緇覩天巧飛閣喜新枊北渚面窗櫺西山拓
屏障遙聆淨業鐘隔岸清颿颺矧茲雨餘天風日尤澄曠菡萏
雲錦鋪映旭紅別樣余曷往觀乎好趁新荷放無那張角逢到
門增悵悵喧闐車騎擁輿臺儼相抗有客排壺觴朋歡游跌宕
而我適相值三舍須退讓看花乘興來迴車殊怏怏他日儻尋
幽豫偵記休忘人生如寄耳天地蘧廬況卽時一杯酒任達言
非誑從容定後期聊爲茲游償裳佩君子儔重過尙無恙風雨
捲碧筒煙波縈畫舫開筵浮李瓜妙友邀直諒粹脚發長吟言
之聽姑妄鳴蟬似相答煙外互高唱

題朱建卿助教

善旂

保石圖

李唐牛奇章趙宋米元章二子愛石具癡癖丈人交締高名揚
或持茗帚滌蒼蘚執笏雅拜恭而莊亦有牙牌周記注分標甲

乙閒評量我生夙具金石契商彝漢瓦勞稽詳迴憶趨庭武林
日詁經裙屐曾相羊儀徵相國今歐陽祥金樂石矜收藏編成
款識號積古堪與薛氏相頡頏精拓銘文摹篆籀能事獨數朱
椒堂復齋青史善考據新安持較尤孔臧髫齡嗜古有同調曾
偕尊甫撫琳琅建卿助教嗣家學出藍譽動宣南坊欽崎仰止
懷祖澤韓陵片石璠璣當齋前供養爲作記善拳卓立遺蕚鄉
雕鏤硯陰出新意小隸深刻懷寧方助教有記屬方小東一品
淮南詎足匹九華壺裏親相將子孫永寶守毋替湯盤禹鼎齊
焜煌邀我清吟表家乘雲亭政允惜未遑蕪辭謫陋妄塗抹聊
申蘭誼瓊瑤償揮毫詠就寄江左要與畫石新記傳芬芳阮芸臺相
國新著畫石記尙未刻成

題可盦弟所繪杏林春燕便面

彷彿于飛趁霽時掠波雙翦綠差差一枝蘋玉春痕透心折牆東絕妙詞

回憶尋春紫陌時胭脂輕染致參差小樓春雨花陰月幘尾宜

添小宋詞

余於辛巳在中州所繪杏花圖名人題詠甚夥可盒未經題句擬屬補題以成詞人佳話

熱甚偶步采蘭橋

襌穢嗟如戴帽飭翔陽沸海暑難平境當處儉情誰暢官不居權謗莫生涼沁庭心愛修竹翠搖池面約浮萍烏雲陡頓濃於墨催得先生句又成

六月十三日偕方小東游華真觀登妙蓮閣飯罷沿湖散步至匯通祠乘涼啜茗祠前游人甚眾復避觀中小坐踏月而歸得截句八首

漫云官裏事如麻偶過雲堂且喫茶驚地思量清獻句十分風

景屬僧家

宋趙抃次韻范師道龍圖有句云可惜湖山天下好十分風景屬僧家

浮嵐濃抹碧於苔
窈窕疏窗四面開
寄語涼雲休隔斷
放他荷氣上樓來

相將綽約步苔茵
紈扇輕搖不避人
霧縠煙鬟波上立
望中疑是洛川神

大隄游女粲如雲
共賞紅酣話夕曛
怪底蜻蜓故相裊
芭衫涼透藕花熏

生小漁娃信口歌
雲鬟半亸覆青荷
吹來笑語香風透
遮莫鵲鵲是看他

碧瓦朱垣翠蔭叢
參差樓閣暮霞烘
湖名淨業真因淨
一杵風傳水寺鐘

華真觀古占清幽
慣向松棚鬪酒籌
齊拓風櫺搖水佩
湖堧新

結鏡香樓

意行拉伴叩名藍
瘳策寬鞋選勝堪
人在鏡中香似海
好風光可似江南

直舍新涼喜題並邀薌生中丞

靈桂

和之

棚敞撐黃簾窗虛拓碧紗
暑消冰罷嚼涼淺飯頻加
高樹蟬聲澀低叢蝶影斜
直廬清切地遮莫認山家

唐人有已涼天氣未寒時之句
愛其雋逸鏡鷗齋曉起因足成四短句

碧梧一葉墮階墀
淡月昏黃挂遠枝
疊雪香羅衫乍換
已涼天氣未寒時

鵝梨香裊篆煙遲
綃帳葳蕤儼霧垂
蝶夢沈酣冰簟滑
已涼天氣未寒時

空庭竹柏影離披錯認平鋪水一池低亞湘簾鐙晃漾已涼天氣未寒時

盆花弄影各參差小白嬌紅媚好姿負手幽尋苔徑滑已涼天氣未寒時

六月二十四日過南觀音寺感舊作

宸翰榮光夜燭天家風樸茂祖庭傳

方丈中藏雍正間書賜禪師語錄一卷

御

十圍槐古轟雷火

古槐曾於嘉慶十六年經雷火擊斃巨蠹

萬个篁修鎖綠煙迦葉

根塵通證果須彌日月抱山川忘言老衲癯如鶴鷄乳時中別

九年

余於乙未年寓天王寺常至寺中游覽偶憶及之

韜華館秋夜感懷

高樹涼歸早重衾夢味多美人秋水外相憶復如何敷政心俱瘁憂時鬢已皤羌夷氛迅掃洗甲挽銀河

題但雲湖都轉雪舟籌海圖

金焦風雪慘貂裘
捍禦奇功指臂收
志翦鯨鯢奠區夏
氣摩鵬鶚奮清秋
儻從鵝鼻洲前戍
那泊鯤身島外舟
千里淮南資保障
至今髣髴尙歌謳

蒼顏朱笠擁麾旄
意懾蛟鼉壓雪濤
辨口懸河欽論切
雄心籌海策勲高
漫誇勵節齊徐耿
伫待凌煙繪鄂褒
禹筴政成猶小試
封圻坐鎮

主恩叨

題潘紱庭碧桐吟館圖

亭亭百尺嶧陽姿
韻事薇庭偶詠之
隨地種拋鸚鵡粒
參天棲萬鳳凰枝
瑣窗涼透玲瓏月
繡闥閒商婉媚詞
翠乳清陰交掩映
瑞侔韓相好門楣

七月二日湖上秋懷

溽暑除今夕是日處暑秋風又一年樹藏煙外寺萍蔽水中天
鞅掌徒爲爾澄清恐未然滔滔誰力挽等濫愧餐錢

寓齋秋夜

揮扇驅殘暑攤衾襲嫩涼難憑秋後熱易惹夜來香
空有憂時念曾無卻老方支撐餘獨木羣燕莫翱翔

晚至坡上將軍廟

小寺垂楊裏田衣劃稻塍草窗山影入湖石
蘚花凝舊事譚猶憶余於乙未丙申曾游寺中老僧智本猶能記憶香禪學未能將軍空戴甲獻果傍龕
鐙殿中石將軍像手擎花果一盤侍立龕側不知創自何年

偕智本長老茗譚卽題其雲間花靜丈室東壁

入門峭石疊雲層繞屋疏楊霧雨蒸老衲蒼顏猶我識舊書渴

筆問誰能

室懸彭公元瑞王公際華書絕佳

意行魚鳥都延客大好湖山半屬

僧側笠支筇斜照裏水村圖上剡溪藤

七月三日直班還宿朱氏小寓夜深不寐挑鐙得句

鴉點斜陽樹初涼欲暮時夢恬冰簟適吟苦竹葉知花木幽人賞兼葭遠客思車聲雷殷發頻問夜何其

游肅府林亭會已日晡密密還寓欲游功德諸寺訪僧

樂修未果

游興勃未已蒼然夕靄澄偶過竹林寺未晤水雲僧山館剛迴轡湖橋乍吐鐙襟懷非俗吏信否叩南能

題松岑侍郎

花沙納

雍宮花韻圖

國子監東偏有丁香一株爲前明許大司成

成名所

賞賦詩刊石同張王二公和詩共刻壁間傳爲掌故

康熙間司業謝公補栽數本百餘年來樹均湮沒道光壬寅四月松岑官大司成時見嵌壁詩刻補種紫白丁香二株於敬思堂前以補舊蹟倩同年翁農部學濬繪圖紀事卽追和舊韻成長律刻石復邀同人
和之余亦題此

勝朝許子賦丁香翠墨同人有和章珍卉久湮成朽木名卿補植紹甘棠爭傳韻事來雙闕雒誦清吟偏六堂嘉種宛陵增掌故廳槐墀柏孰低昂

樂育英才仰碩儒樹人樹木理何殊壬寅前後交相值甲子迴環巧合符許公詩刻在嘉靖壬寅四月松岑補植亦在道光壬寅兩朝相距三百年來歲月適符亦奇事也紫

白敷榮還舊觀丹青寫照紀新圖花司成績修花史肯遜朱王

擅美無城南崇效寺西來閣前舊植丁香傳是王漁洋朱竹垞兩先生手種今松岑於成均補植丁香風流雅韻洵堪

繼美
前賢

大柳村寫眺

觸暑飛奔午未停道旁小憩指茅亭疏籬作障蟠花麗斲柳撐
橋帶葉青痠蹇乘如騏驥穩涼蟬聲當管絃聽紱簪雅有煙霞
癖遮莫前身老歲星

秋日游天王寺

浮圖高聳碧霄間小乘趲趲叩竹關禮數無拘方外友雲煙有
約檻前山清吟奚必稱三上妙偈端須證八還濁垢填胷何計
滌松堂一鉢破塵顏

拍花歎

丙午六七月閒街市小兒往往遇奸民以藥迷拐遂
昏然無知隨其狂走奸民得之輾轉賂賣獲利名曰

拍花御史上其事奉

旨嚴緝置諸法閭閻少安因倣新樂府紀之

七月之交歲丙午燕京閭閻羣相譁兒童出戲慣迷失十戶中
有三兩家奸民拍額身恍惚踉蹌隨走難阻遮目瞠視屋桃椎
比口噤銜闕金人奢藥屑染薰真性昧紛紛里巷傳拍花我聞
如是詳忖度拍以花名意何屬或云略賣付青樓骯髒煙花陷
坑谷更言散失別鄉井飄泊楊花莫追捉一時坊市謠詠騰芳
黎肆虐嬰孩凌剝心伐髓恣慘毒獮惡較彼豺虎勝目矧篋衍
光難射腦碎銅椎藥共凝吁嗟乎滿目流離皆赤子胞與同量
信有以澆風速挽漫稽遲臺閣交章肅綱紀傳古亭疑
聖訓遵宜拘儕伍戶諸市君不見陳水水掠兒紅紅山茄屑末
和水沖飲之倏迷遭略賣閭督馳表誅頑兇邇來獲匪胡和升

甄黑狼狽奸相同

福建題奏陳水水用藥迷拐幼孩陳紅紅一

誘拐于女多名之胡和升一犯並西城送交部議之甄黑

見匹夫稔惡傳楊四採生折割貪饕恣剗孽孕婦取胎衣和藥

誘迷行詭異爰書論罪載分明嘉慶十一年間事

嘉慶十一年妻楊氏剗孕婦取胎將小兒腦擊碎

取腦子溺乾和成迷藥審實伏法愧余承乏刑柄持詰究禁

暴職所司固防酷烈致多枉莫惑陰功惠濫施早燭邪謀安部

屋同心保赤體

皇慈

秋日偕陳子玉方小東畱雲榭夜坐納涼

凌虛危構倚秋雲螺磴盤旋集屐裙高躅出人頭地上清譚堪

達

帝天聞夜涼露葉搖銀燭風峭雕闌度白雲指顧蟾光圓滿候

齊攀丹桂樂同羣

子玉小東僭兒輩秋闈入試甚望獲雋

雨中出宣武門訪蔡漁莊都轉

瓊即贈還浙

籤排絲雨織空勻
侵曉巾車訪故人
關佛經綸繼韓子
踏歌心事擬汪倫
牘竿舊愁雲
亭績禹筵新
敷海國春五聽
夙嫺欽讀律
多冠仁進答

楓宸

漁莊向在敘雪堂同事熟諳刑名

連日秋晴可盃弟
攜兒輩游翠微山
香界寺龍泉庵余
緣雲亭政繁偕游
未果書懷一律

身忙疏韻事政穴礙清游
猿鶴應相誚松泉賞獨幽
桂芬尋鷺嶺潭淨俯龍湫
此際花間酌還應憶我不

清涼庵聞僧譚山中景物雜題六首

種桃翠麓舊官園
傳自雍熙供奉班
古隧明嬪十三冢
玉魚往

往出人間

山半官桃有明妃嬪十三墓

公餘乘暇訪清齋笑對雲堂老辯才閒證舊聞尋古蹟詭詼宛

似說齊諧

僧隆覽云山麓有古井泉涵村民下視見其陰森暗

骨大如斗云殆前朝古墓也

閒讀西林相國詩模山範水句尤奇過時顯宦無人識一任殘

箋冒網絲

畫廊高壓玉泉涼掠耳松濤茗話長遺贈山緇無別物紅堆棗

顆一籃香

蒼茫人海易身藏半晌茶禪證豆房選勝晚歸應更好滲金斜

照滿松塘

芙蓉萬斛拓屏風董巨圖輸繪畫工變滅雲煙無定相更番游

覽不相同

寶藏寺清涼庵齋罷游覽卽用壁閒黎湘潭侍御

光曙

題方丈韻

燕山峙羣峯金山最雄秀高樓覩天巧梵刹凌虛構象緯低几
席湖山拱堂牖渚宮樓觀盤金碧煥巖岫選勝值秋晴佳景妙
輻輳風度木樨聞雨積苔衣厚信宿惜未遑明當祝

萬壽

粹腳向谿坳雲廊瞰靈穴下疑翠蛟蟠神灋湧不竭瘳瓢汲取
嘗吻燥解饑渴沁腑信清甘頓滌塵鬱勃曳杖恣盤桓松枝倚
鐵屈是處果閒靜詎獨鳥性悅已公設茶瓜羯磨侍單拂名山
半屬僧潮灑眞少匹茲游成獨往翁偕琴鶴一香禪證入還伊
誰分我物

褰裳陟坡陀恃健餘勇賈周甲未龍鍾雄強力如虎風戾蒼蘚

乾子豈傷距僧勸坐籃輿較步略安處余說意行佳谿花親
摘取腳底暮鐘催虛煙暖平楚

斜陽靄繡壁蘿蔓寒煙昏豆房飯伊蒲迴勝羅羶葷蔬香菌多
子盤酃芥有孫凡此雨膳緣悉戴我佛恩讀碑緬遺躅歲月驚
輪奔靈山始開闢初祖楊深源湖底殘碑尙存字多漫漶開
山老衲俗姓楊法名深源佳處偶畱庵過客頻攜罇

屈指待蟾圓襍被西崦宿浮嵐秋更濃涼歸減蒸煖六鑿擾攘
空天游真趣足涉世戒福先守道貴雌伏地偏草木繁官雅衣
冠肅薄宦廿年餘境每違衷曲猶與水石緣隨處興感觸多生
歡喜心永與清景逐

過坡上懷張霽山明府

友柏

羣鴻戲海勢難降妙墨南宮竟有雙不見當年老張仲祇餘垂

柳傍空缸

過興隆禪院和壁間李石梧撫部星沅舊韻

招提近傍東樓門一灣碧玉波流云靈山震旦面西嶺屏塘暖
翠浮網緼朝歸偶訪參寥子松隲鶴眠朝未起山緇曾舊識藥
城閒語東坡老居士寺僧舊識燕山弟並向余頗致殷勤

秋夜感興

陰符夜讀氣橫秋腰下純鉤射斗牛頭白未能消壯志涼宵兀
自夢封侯

晚出阜城門夜抵西淀

一角秋山媚晚晴
麟麟石路闌車聲香收菜把園官送靜結茶
禪衲子迎寒峭更宜縣帽暖到遲
恰趁竹鐙明趨公夙夜無稍
暇久負林塘雪鷺盟

八月廿二日朝歸由青龍橋沿靜明園牆西至香山碧雲寺游覽和蔣心餘先生守風燕子磯登永濟寺韻

三首

袖惹鑪煙玉殿過支筇又復訪杪羅晶瑩碧宇迎人爽
罨畫晴嵐入望多紫蟹待邀朋灑落白鷗羞對髮鬢
鬢豆羹小店閒相鬻澹泊能餐味若何

百重堆案偶抽身粹腳清游學散人籬菊黃霏遲幾日
林楓紅賞隔經旬瘦筇圓笠攜閒侶竹淨苔香悟觸因
涼翠埽空真性見阿師笑爲說根塵

不繫渾如浩蕩舟茅庵佳處爲余畱聲華漫比陳驚座
秀句難追趙倚樓禪定詎爲開士悅書狂深愧老僧求
何須疥壁題新詠久矣名場遜黑頭

碧雲寺洗心亭恭和乾隆

御製原韻

爲訪訶林境何嫌石磴遙僧茶折松煮壽菊借泉澆襍被懷前
歲余於去歲秋九月曾游茲寺 畱齋復此朝年時題瘦句未逐鮮痕消

心遠齋聽泉恭和乾隆

御製試茗烹泉原韻

趺坐聽泉語芝巖悟靜因耳根何用洗胸次本無塵琴筑偕清
響松篁結靜鄰漫云秋氣肅自釀太和春

臥佛寺娑羅樹恭和乾隆

御製原韻

寶樹形模畫圖得

娑羅樹圖

高廟親摹畫本以滿洲西番漢篆三體書題識

宸翰標題梵宮植夙聞草木狀嵒含儻見靈根難辨識蚪柯詰

曲游龍形支撐圓繖環深青翠裁貝葉玉泉漑響偕檐鐸金飈
冷簷翳陰濃幢蓋偃種移淨域條支遠辦分十二瑞蕤同月木
嘉名傳碧巘翦成七葉疊團欒金粟香林影共盤曼殊如意聲
音樹內典娑羅一樣看梵經載喝爾喇瓦喇斯此云如意樹即今之娑羅樹也

妙喜寺

策馬來尋不二門
滌洄晴淥抱孤村
萬松環寺香成海
三閣朝元位
獨尊僧去憑誰奉
燈火并髦猶解說
根源寺屬靜明園管理內並無僧焚修住持派汎兵看守老兵某云寺係明季伯爵古墓高廟登高望氣甚盛命改建茲寺以厭勝之
漫言象教無興替
佛髻烏巢沆翠痕

僧得真爲覓籃輿登玉皇頂題丹房壁

登峯不造極
游興何由暢
探幽阿師憇
輕裝須摒擋
鬼我玉皇頂
夙仰光明藏
商量覓籃筍
僧導陟疊嶂
不二穿煙霏
衣袂金

颶颶威紆螺磴盤詰曲迷背向線路援揉爭巖險筆難狀緣坡
植萬松風翻疑翠浪呀喘憫僕夫小住厓巖傍仰止玉虛宮未
至神先王行行躋層顛天門瞻詆蕩瓊樓鬱凌霄地維屬乾象
冕旒帝端拱執圭羣輔相虛堂晝無聲肅穆昭靈貺釳砌嘉豐
碑宏基天啟剏近倚木蘭陀紫碧團幽壙虛厂瑩澄潭淪連碧
波漾福地幾洞天傳聞語非誑周甲辛康強登臨嬾扶杖前游
恍如夢風景緬疇躋散步入丹房羽士閒諮訪道人韓康裔採
藥事高尚祇餘丹鼎閒雙鶴守無恙相羊啜茗甌推窗恣眺望
平楚浩無垠周原信虛曠田塍翠縱橫方罫楸枰樣三殿九門
環帝京瞻麗壯四塔卓錫如煙中看潏潏遙林短於薺橫巒排
似嶂錦繡好山川名都敢相抗粹脩信足豪胸豁層雲盪轉瞬
居重陽高吟醉萸釀斜陽下西崦逸情渺雲上林隙值僧還煙

中聽樵唱天半一繩排候雁聲嘹亮古寺晚鐘微秋風自飄掠
雙袖帶雲歸茲游信奇創

重陽日偕內子攜兒輩全寶藏寺登高作

寥空風雨屆重陽攜幼支筇叩上方半壑秋聲傳地籟一家人
影話天光穿雲珂珮瑩心白插帽茱萸滿意黃填委簿書乘偶
暇題餽豪舉勝劉郎

冬日出宣武門感興作

衝寒詣客出嚴城恰喜貂裘稱體輕幾隊野鳥浮雪影半林落
葉走秋聲樊崇雅有錚錚目敬伯居無赫赫名少當漏卮何計
補枉教府海費經營

半園訪素生尙書

奕紀感舊作

瘦策紆迴繞列壙到門松翠帶霜濃舊交慣向閒中得佳景偏

於冷處逢離落客過驚稚子林皋木脫見山容不緣榮悴更顏色祇有梅翁與塞峯

欣對齋感懷

佳兒良友半孫山揮塵高譚慮且刪池碧寒凝波有骨林丹霜飽葉添顏齋客擅金荃譜畫閣孫排玉筍班方小東茂才善倚聲孫兒麟素新自太平街移居潛園之澄齋鞅掌簿書稍得暇家庭真樂趁餘閒

冬日嘉量齋雜興並示方小東茂才

蕭槭寒林葉戰風爰書夜勘蠟鐙紅分明點鬼縱橫簿說苑叢談雜此中秋識冊子與羣書相雜堆積戲及之

敝裘羸馬日婆娑處儉年來境若何戲爲洪厓參轉語索逋人

比索書多

洪稚存先生有索書人比索逋多之句余爲下一轉語

頤神養壽堂夜坐

寒宵靜泰養天真淨條填胸十斛塵學博可能如海富官高難
得在家貧案寮接席聊中隱債主登堂儼上賓還向蕭齋頻問
訊細梅紅到幾分春

題三姪婦友蘭齋詩藁

一編冰雪淨無瑕乞我題詩意孔嘉女子有才非是福孫兒勵
志克承家孝純劖肉當參劑燕山弟病殆甚姪婦刻臂肉和藥
性成實煎湯治之並致禱於神得愈純孝
可嘉也節苦傷心茹檠牙教子讀書通顯致鸞封翟第定
恩加

題小東紅袖烏絲圖

換羽移宮刻意爲自揮散卓寫烏絲金荃細譜圍紅袖豔福難
消屬此時

縹緲風鬟畫裏人多應綠萼是前身鸞膠待覓鵲絃續彼美能

消寂冥濱

挾策摩燕敝黑貂秋風毵毵感無聊他年高步蘭臺上補繪熏香侍早朝

光燦銅荷染翰仍寒輕不覺襲衣稜較他小宋尤瀟灑忍俊休加半臂綾

題程吟橋山驛說詩圖

古人事迹當紀載每託繪素屏風張李陵伊昔別蘇武吟成五字傳河梁漫輕圖史等閒耳前賢出處於焉彰我友雲閒程不識筆札應場妙無匹胸中蘊蓄曲代宣宛轉纏絲意無失春明曾共醉長筵紫塞相將理短策竭來千里詣

陪都店月橋霜記得無古驛黃茅偕解轡說詩澹對夜鐙孤偶將鴻爪蒼涼況寫入鵝溪尺幅圖白馬篇雞肋集齒頰津津細

紉繹漫矜小杜擅風流莫被老元偷格律噫嘻乎浮生飄泊慨
萍蓬北轍南檣鮮定蹤昔夢低徊思曩日依稀景認畫圖中會
須翦取吳淞碧一舸滄江泛月虹

十一月初九日晚趨出西直門夜抵海淀朱氏小寓時
漏已三下挑鐙寫懷卽書壁間

飛奔趨公出西郭城闕半掩迷蒼煙老兵橫刀抱關坐風鐙光

耀紅初然

西直門向設鐙架形如橄欖俗呼爲鐵嚶嚶鐙城門將閉則徹恆以爲制

如弦石路接

御苑畫輪碾處猶輕便元冥節屆倏長至繡添弱線痕修延

詔傳詰朝整歸蹕

乾清宮啟金鑾旋僦直班聯僅一次

十一日

聖駕還宮刑部

值日僅此一次敢云靡監塵鞅牽譬彼眉班余領袖後此莫或

居吾前再來屈指應改歲火樹鐙轉珠球圓莫嫌冬郊景荒率
短牆敲屋疏籬沿雲林畫意老迂筆繪素簡淨枯而妍竭來衝

霜當此夕望衡頓覺心怡然入門寒危噤不吠館人前導鋪書
氈禦寒夙自具方法雀舌攪入薑芽煎地鑪炭炙斗室暖瓶笙
蚓竅聆音喧鴉棲人定板扉闔半窗涼月來娟娟

同懷弟法良校刊

男崇福謹校重刊

抱冲齋詩集卷三十六

長白 斌良 笠耕

藏衛奉使集一

臘月十九日蒙

恩授駐藏大臣恭紀

逖聽

朵殿錫

恩綸藏衛綏安

簡大臣獨荷巖疆資重昇羣言節度伋持鈞靖共詎敢分勞逸

柔服何須計苦辛五餌單于俗其俗

聖謨宏遠恪遵循

二十日養心殿召對上諭以撫綏前後藏達賴喇嘛班禪額爾德尼方略良曷勝欽

佩

奉職雲司歲兩遷特承

丹詔遠巡邊好將佞佛慈悲度曲喻安民撫馭權外宦匏懸輕

萬里急歸瓜代許三年

上諭駐藏邊務緊要汝精神甚好朕於侍邸中特簡汝前往妥辦一二年

中如已得人即將汝召還

重蒙體恤實深欽感

據鞍鏖鏖精神固

天語親嘉壽算歸

上訓良年紀履奏六十三歲

上笑云汝精神甚壯似五十多歲正堪宣力等諭

二十八日出都眾親朋沿路送別情甚依依晚抵良鄉

固節驛舍感賦

親朋祖餞接庚郵萬里烏斯快壯游心迹共知如日朗鬢絲莫
悵點霜稠歲華冉冉催征轡風柳條條綰別驕肯使幾微見顏
色丈夫投筆覓封侯

公廨聞隔院砧聲

窗油月射喜春晴忽漫聞砧動客情隔院何來衣杵急氈堆疑

是打碑聲

連日塌抱冲齋帖於聽雨樓偶及之

曉發良鄉望城西臥龍岡

先塋感賦

鬱鬱佳城隱碧煙
臨歧回首意殷然
烏斯萬里籌邊去
先隴焚黃隔兩年

游宏恩寺贈僧圓徹靜博

疏楊夾道馬蕭蕭
指點閭黎石徑迢
撲面驚塵忙未滌
填胸離緒淡將消
苾芻導客情偏逸
寒雀棲林語不囂
想見阿師嫌兩舌
故教合口贈紅椒

二僧贈椒

方丈暖茗小坐移時圓徹靜博二僧相陪隨喜雜題

虬龍詰曲抱靈珠
松幹盤擎列架扶
小立看碑諳掌故
御璫檀

越記王盧

階前御香碑萬歷年曾命漢經廠提督王忠盧承壽頒賜全藏經文並施金錢薦福

素壁東平妙翰留
筆鋒屈鐵格清遒
看詩頓悟摩提旨
波底山

光住亦浮

壁間詩幅鄭郎題云峯頭雲物去還返波裏山光住亦浮讀罷維摩香未冷又移清夢到禪樓

豆腐清話兩僧雛跌坐看經傍地鑑何事吾師生慨歎離宮珍

木半樵蘇

二僧言寺傍行宮松伯甚茂皆百年古木惜奉官醫去屋宇樹木半就樵蘇矣

舌本青蓮吐妙詞高壇說戒覺禪師榮光夜燭瞻

宸藻分付天龍好護持

方丈大師三覺曾於寺開壇說戒康熙五十九年上賜三覺禪師詩扁並

御書臨香光舞鶴賦屏風尚存

三十日晚抵涿州驛舍題壁書懷

鎖鑰燕南第一州虹霓迢遞石欄周雲開雙塔千秋峙客擊單

雛萬里游

謂二兒

定志肯爲浮議惑要荒須作久安謀轅門鼓

角聲何肅乘傳籌邊勵壯猷

二月初一日至涿州善緣寺瞻禮

征途逢朔肅維寅頂禮毘盧結淨因千瓣蓮跣見千佛三乘貝

葉證三身妙明心性皈圓月行住光陰轉法輪秉節歸來招隱

日菟裘擬築傍香闥

寺傍林木豐茂他日買築山莊爲憩息之所

默祝

聞道西夷瓦合山雪封疊磴迴難攀瓣香稽首無他願萬里平安得早還

松林店早尖

春日載陽候寒輕峭不禁晨餐烹瓠葉野店認松林家近榮歸夢途脩有戒心忙中得閒趣倚馬發清吟

茆店小飲薄醉漫成

何來磨蠍說纏宮憂患須知玉汝躬許事不知惟飲酒任他馬耳射東風

高碑店書所見

冬晴官驛易氛埃柳幕茅茨枕曲隈畫馬儀刀新粉飾料應節

度觀光來

訥近堂制軍查東陵御道差入京沿途亭埃新加脩葺戲及之

北河村北拜明楊忠愍公祠

市馬議成邊費起仇鸞敗後秩超遷老鴟枋國淫朋嬖肯讓曹

司執政權

批鱗直諫五奸侵龍比忠貞共此心自有椒山真膽在蚌蛇藥

籠漫探尋

獄具詞連及二王爰書曲屈太披猖梅屏御斧雕鏤暇班石猶

然問老楊

載瞻遺像仰髯脩闌寂空亭諫草留鞅掌未遑閒繹史十疏翠

墨足千秋

祠壁刊椒山公劾嵩十疏諫草定興趙令題有諫草亭額

固城鎮早尖

小揭氈簾淨眼塵野鳥游戲淥波深固城風景君須記石塔嵯峨俯碧潯

安肅古遂書院夜宿不寐題壁

潑水衾窩襲嫩涼重簾低亞靜畱香遙憐兒女鐙前話細數郵籤到保陽

新獲漢平陽鐙

銘文十字曰平陽家銅鐙重九兩第三

一規圓月銅槃膩傳自平陽內主家活翠摩挲還想像曾分半燄照穠華

初三日行抵保陽近堂制軍

訥爾經額

餽贐授餐畱住

五日賦贈

誼篤葭莖切情文感備周授餐羊胛炙

初六日送燒羊佐餐

分俸鶴糧謀

燭跋譚深見轅駒駕復留書紳遵誠語簡靜仰前猷

近堂於道光十七年

亦經駐藏政尚
簡靜撫綏得宜

涇陽驛

古驛涇陽催換馬
輭紅蓬勃灑車茵
前塵十載還堪憶
無復雲

濃雨洗塵

余於丁酉年過涇陽驛有
扉外雲濃雨洗塵之句

冬春無雪近畿亢旱
余禱於靈雨寺古佛並龍王神祠
前至方順旅舍題壁感懷

客歲燕南冬少雪
麰麥價騰喧市賈
今春晴暖勝長年
十丈塵飛沾袂履
田畯殷見顏色大
麥焦黃愁目覩我
適乘輅歷保陽
頗聞嗟歎農民語
辦香致禱靈雨祠
冀灑甘膏施澤普
芘芻蕘爾前致詞使
君母迺徒自侮
乘輅萬里遠綏綏
倘值淫霖路多阻
老農望澤客喜晴
兩洽神龍亦難主
使君况未牧斯邦
代肅明禋殊越俎
余謂山繙見胡隘
天下黔黎皆率土
兩利相形

擇其重歲豐迴勝羈行旅況復江南徧緩征近畿稔可充天庾
望澍情殷胞與同奚必沾沾分爾汝帽脰何來石燕翔迎眸幾
見商羊舞安心村社擬刑鷺枯骨深潭翼投虎昊綽垂鑒時雨
零甘聽傍人嗤市譽天瓢急灑潤畦塍仁待油然而田黍郵籤
濡滯復何妨跋淖長征亦快舉綏邊他日詔東歸敬潔牲牢酬
佛祖

初九日晚至望都縣感舊作

丁年滅滑憶從征磨盾飛書傍柳營稍喜卅年民氣復平蕪千
里見春耕

堯母陵非在望都封章稽古辨書誣直陳不敢輕阿諛似此名

卿近惜無

堯母陵乾隆間錢公載因陵之作錢公具奏考證其誤

御製詩有謁望都堯母

堯母事妄行竄奏一時傳其耿直雖翰墨小道不肯阿諛足徵老成風度偶憶及之

定州城東行宮觀雪浪石拜韓蘇祠宇和東坡滕大夫

雪浪石韻

城東浩渺驚沙屯蘇韓祠宇先賢尊渾圓石勢置庭角斑駁舊
蝕莓苔昏我過仲春訪遺址不啻仰止柴桑村輪囷夙昔邀

睿賞宸藻題徧環松門黑章白脈互縈繞雪霏浪疊銷吟魂

礫材偶邀玉局詠絕勝採運中山根六百年來互隱顯蜀孫圖

貌畱手痕準以蘇句辨真偽臨城輦送姑無論臨城令李文耀

丈餘純青色以蘇詩質之竭求域下作飛石一礫驚落天驕魂

又異哉礫石雪浪翻丈餘之石焉能作礫石且與向置定州之

雪浪石屯磊砢有石之用迥異石純青色又與墨莊漫錄所云

黑石白脈之形色不同夢蓮別駕云後移置行宮之石係趙州

玲瓏石以此考之後銘文紀宋紹聖歲書銘圓抱蓮跗益寄言

定武賢刺史古蹟永保期長存

見議拆毀行宮夢蓮別駕欲葺雪浪齋並韓蘇祠以存古蹟兼

守護二百母許村人作踐故及之

自定州至明月店即目仍疊雪浪石韻

郵亭柳色朝煙屯遮迥擁導星使尊春陰解駁鋪瑋瑁密雲不
雨西郊昏盧奴不辨道南水河曠遠接城東村窄堵波森插霄
漢香雲遠見般若門回思去年當此日泊沿飛放迷羈魂前塵
瞥眼鷓鴣易輕颺掠水過無痕昨宵異石看雪浪鴻詞削緝探
源根中山喜遇老詩掾漢鐙秦節挑鐙論昨獲秦李斯金憑符
並平陽家銅鐙遇通
判方佩蓀沅恩考
訂頗諳金石之學征途一舍到何早煙林未側黃金盆揮毫聊
當記里鼓漫與長句還堪存

和東坡雪浪石盆銘即用原韻

眾峯環拱如兒孫礮材植立森高原石紋黝白驚波翻齋顏雪
浪今猶存薦以蓮花玉女盆清湍無復穿雲根髡屯磊砢石無
言三朝閱歷明金元

初十日晚抵新樂縣縣令春和來謁感舊有作

書磨盾鼻記從征秉節重來倍有情
古社鴉曉知戶少荒郵馬瘦說官清
夕陽光亞紅猶爛疏柳煙梳綠未成
屈指行經壽陽驛石泉槐火作清明

十一日新樂縣曉發

路出博陵郡平沙稚柳盤原高先見日
山近易生寒趙魏疆仍接韓蘇蹟未殘
殷拳戀鄉國回睇望長安

伏城驛題壁

浩渺沙明萬頃連黏天短薺一規圓
春陰農整新田鋪水涸灘橫舊渡船
臧獲行遲程屢計葭葦誼篤夢頻牽
家僅賀兒年前令往江南計日
應已還京尚未趕赴行轅連宵峭寒著
力欺游子二月征衫未

拆系連日曉
帛行甚寒

十二日正定府隆興大佛寺瞻禮默祝護佑仍疊東坡

雪浪石韻

千尋傑閣香雲屯北戒獨數我佛尊揭來頂禮酬夙願紫騮蹴
踏飛塵昏輶車緬想歲在戌泥潦道載環千村乘傳重來叩蓮
座雲開月朗不二門回思抗疏摘伏莽詔書切責驚心魂無端
猜忌肆謾罪幸有砥柱撐天根化險爲平易反掌慈航渡筏波
無痕前塵偶觸刹那怨吐天仰面休重論率然祈禱默感應慧
光寂照琉璃盆願顯神通重呵護綏安藏衛功永存

閔竹軒總鎮陪游各勝境僧多脩延入玉佛堂煮茗款
畱遂由隆興寺出南門進發

詰朝虔擬肅精禪細雨如酥代洗塵纔禮金容參玉佛偶緣萍
迹證蘭因蜂臺覽勝三生契虎節綏邊萬里臣老衲量茶畱小

憩前程明發陟嶙峋

田正定府出南門過滹沱河經趙林鋪陟海山嶺晚抵

獲鹿縣

滹沱春未漲雞心遠灘湧草橋度威紆宛肖駝背腫過河折而
西風沙迷瀕洞驅車入村隴石屋寒雲滃棗林環栗野豚柵傍
鶩籠居然畫屏張敍法摹巨董午過趙陵鋪展鳳豐碑聳有漢
南粵王趙氏先人壟誰看翁仲卓那覩宰木拱惜未考圖經古
蹟殊慙懂太行蜿蜒青雲移訝山動劈面一峯迎覆盂圓益擁
驚埃歷歷屨未陟意先悚詰曲繞谿坳須臾厯龍窠長繩百丈
牽稍免顛蹶恐僕夫眾呀喘合力監輿捧登頓縱遐觀百雉巖
疆重畎畝剗楸枰麥欣齊種緬茲古戰場名賢信英勇欲吟
懷古詩腹儉塞心孔輶車乍出峽遙聞市聲洵紅箋署頭銜將

迎吏接踵

獲鹿縣曉發

淦淦雲光溼濃陰瑋瑋遮芳村晚成市山縣早休衙但使神清
穆何嫌徑書呀肩輿教款步沿路賞煙霞

上安村

村舍依崖築疏林繞四圍峯頭披絮帽石角繡苔衣山靜民多
壽膏濃麥自肥道傍枯柳樹相識是耶非

東天門

羣峯環匝市螺磴陟高空滑澹防征騎翻翻俯塞鴻霸圖尊白
起亭障接黃龍煙外飄旗角猶疑漢幟紅

石炭

良冶雜烏銀齊產晉巖穴同類感相殘石炭融生鐵

泝水道中山路亦有平坦者戲成

嵐翠雲光滿日奇翻緣鞅掌得委蛇山中亦有康莊境誰說秦關路險巖

井陘道中

山腰攀絮亂雲飛星飯輕敲白板扉乘傳恰逢春浩蕩入山剛趁雨霏微漫分夷險同避軌莫定暄寒屢換衣九十韶光半鞅掌芳園脩禊悵心違

冒雨山行晚抵井陘館題

雨過平沙輭頻催白鼻驂草橋通石埭水碓轉風輪驛路經千里家山別一旬乘輅來往熟何止略知津

閔竹軒都督新贈藏香五枚炙之驛廨其味甚佳因和黃山谷集中有惠江南帳中香者戲贈二首韻

鵲尾金鑪篆爇不數驚黎海南來去寂無從著香巖法號同參
林外鳴鳩喚雨征衣細點爛斑小炷香通鼻觀郵亭半晌清閒
井陘縣曉發由核桃園至甘桃驛一路層巒疊嶂水碓
山村肩輿鎮日遊行如在畫中復疊東坡雪浪石韻
淮陰列陣如雲屯扶劉滅項登壇尊囊沙拔幟出奇計漢楚塵
戰烽煙昏山川依舊霸圖歇驚湍轉碓疑江村兩峽中開路一
線捫參倏歷三天門哈呀石齒戛車轂征夫到此驚心魂探幽
絕險路高下纔凌霄漢穿雲根輪蹄踐踏歷年久雙軌車碾深
畱痕秦關百二已難越青天蜀道君休論疏雨偶值徑滑達淫
霖幸未逢傾盆功成他日早歸去澹園松菊應猶存

井陘山中見居民藉泚水湍激安設水碓甚多率題

烏雲潑墨靄濃陰淨浥輕埃暢滌襟慣引山溪春水碓村民微

覺有機心

雨中過龍窩寺

雨中龍窩寺茶禪坐片時僧貧貪豢馬莫是道林支

蓮閣雖云圯松嵐景自幽東歸作檀越佛座願重修

乾隆五十九年間山

漲橫冲古蹟苔碑皆沒山僧述師言如此

雨中至核桃園感舊作

昔年遇雪今逢雨浣粉流膏雨不同料是山靈示真面爲余洗出碧芙蓉

甘桃驛

雲氣冥濛幻林巒望欲迷斷槎驅馬度髡柳少鶯啼荒驛居民陋蒼巖老佛棲衝泥憐騎從小資黃偏提

過固關

巒迴峯轉鬱千盤跨峽嚴關欲度難鎖鑰晉陽天險固陋他函
谷一泥丸

固關潘協鎮

正田

冒雨立輿前伺應出關

守關牙將當門候雨立秦優儘笑人地險時平烽燧靖韜弓高
枕算抽繆

固關本屬要隘近舊時清將校但司抽分稅課矣

出固關未至柏井驛較關中氣候略寒山中積雪未消

偶憶東坡西臺題壁舊韻率和二律

雨珠細綴草痕纖峽底馳驅冷倍嚴雲滃深林疑擘絮雪凝遠
嶺肖形鹽潦泥滑澁黏韡底碎玉琤琮拂帽檐大有烏斯丹達
景鑣瓊銳削萬峯尖

不聞鶯語只聞鴉犖確鏗輪滯客車古柏千尋多溼翠甘桃二
月少飛花怕騎款段嗔郵吏

積雪山徑難行僕輩皆願乘快馬故戲及之

欲買茅柴

問酒家董巨荆關畱粉本山靈代拓玉柯叉

出關途多積雪因題

一關殊氣候雨霰各淒迷高嶺寒凝雪平沙淨少泥峽盤嫌地狹雲壓覺天低莫怪輿行緩崕岨路不齊

由柏井驛曉發天已晴霽山行寫望

林角芻尼報晴光曉倍徵層崖微沅粉瘦轍碎攢冰路匹蠶叢險人多驥力稱行程何濡滯黃鵠羨蹇騰

翠蛟潭題三言詩

桃砮北柏井南鑿石眼開鏡潭翠蛟伏蒼雲含作霖雨農慰三秀田黍遲征驂雖櫛沐心亦吟

過石門長國寺讀唐碑感舊作

唐碑細讀拂莓苔頌祝金輪孝思推

碑陰刻上爲金輪皇帝下爲七代先人所同登正覺

之語蒼枯依然僧化久郵筒猶記送碑來余於丁酉年間過此曾索唐碑拓本寺僧郵寄

京都雜信猶道及之

石友誰聯翰墨緣卓然孤立佛鐙前倘逢和仲加題品應與中

山雪浪傳

寺中佛院有大石高三丈餘古薛斑駁卓然孤立石上題句甚劣借無賞音者特表出之

春夜不寐感興

雪虐風饕第幾程浹旬鞅掌別神京高吟越境詩無格細味還鄉夢有情山過欽崎心尙懷事經險阻氣全平年來深悟希夷旨第一元幾最忌名

峽中書所見

兩崖如衙古杉叢百里巖關一線通著眼峽中驚見少樹根穿石竹鞭同

平潭驛

遼山縣互排龍脊淺水平鋪沒馬蹏惟有深情無隔礙連宵飛
夢萬峯西

平定州土俗偶記

白土輕陶器烏銀賤鷺繒紅燒棒椎火良夜照征人

平定州北白土可燒

爲沙器平潭驛產煤每二百觔賣大錢五十文人家門前用土
壘成形如木棒中空四圍畱眼百數炙石炭於中其火光由孔
突出明如白晝照耀旅客以便宵征名曰棒椎火

星星灘

籃輿爭共舁誠樸喜村民古柳身多癭寒崖溜挂紳陶人搏白
土煤戶刷烏銀瘠土腴田少謀生貨殖均

平定州山多田少居
民業陶挖煤爲生計

側石驛

石磴澄無滓山靈喜放晴頓生清淨想洗耳聽溪聲

壽陽西嶺路甚巖險感題

疊磴灣碕詰曲縈依稀雲棧蜀山程征人最怯淋鈴雨幕聽飛
流漱玉聲

窄徑猿猱與共爭俯臨千仞旅魂驚年來深悟浮生理高處顛
危下恰平

過韓文公詩亭

昌黎驛壁畱新句千載詩亭永不刊我憶園花對山月不須惆
悵定團圓

石亭茶尖感舊

悶似醺雞出甕天崎嶇歷盡道途便石亭風景都如昔惟有心
期不似前

十七日宿榆次王胡驛

載陽時節值新晴四牡騶駼趁遠征巖險山川夢猶怕蕩平途

路浩難名黏雲碧樹千村合如畫青疇一掌平誰說唐風真儉約魚鱗萬瓦構連楹

榆次縣鄉風好營造屋宇極為宏麗

永康鎮

嘉名海嶽詩相似米襄陽古歌有永康里麗景江村畫略同剛近清明好時節岑樓高出綠陰中

將抵徐溝縣晚雨

沃土民殷富倉箱比戶盈表貞森綽楔衛室築堅城沿途貞節牌坊甚多人家防盜牆繞舍多栽棗沿塍半植檉東風將雨到好句又催成

羅村題壁間韻

疏雨輕塵浥雲光璫瑁陰但生清淨想莫礙妙明心

二十日祁縣曉發

稅駕行胡早林梢月子橫亂山殘雪積孤驛峭寒生稍喜王程
坦頻來堠吏迎達觀安所遇不覺困駢征

抵平遙縣

長虹千尺跨通津煙井平鋪萬瓦勻百里晴峯青繞郭一溪膩
漲碧皴鱗犁耕繡陌分新隴轂擊芳街起暗塵藏富閭閻公可
濟輸將端亦賴斯民

午過張蘭鎮

古鎮歷張蘭嵯峨百雉完豪居多瓦舍紳士半粗官
轂擊征車轉蜂喧估客攢西河衝要地惜未久盤桓

謁郭有道祠墓

靈鶴翔區外超然迴軼倫羣儒互標榜夫子獨全真晦迹逃鉤
黨冥心保哲身高阡欽仰止東漢一完人

郭林宗祠前古槐歌

昌平州西狄公宇古槐一株曾見之年深腹洞老蛟脊舌橋不
下驚神奇乘輅路出介休邑停驂掘謁林宗祠老槐清陰可十
畝石闌四帀表以碑大書深刻壁窠覩漢槐兩字龍蛇姿百圍
本大幾合抱戴癭擁腫皴蒼皮千年古蘚繡老幹活翠斑駁如
鼎彝粗於飯甕勢勁挺攬拏撐搭猶孫枝輪囷蚴蟉莫名狀召
棠孔檜尙可追徘徊祠畔動遐想樹猶如此人堪思緬懷炎靈
失其馭闢寺柄政國是危清流競起互標榜道傍築舍謀奚爲
紛紛羅織事鉤黨陳蕃竇武懼兇夷林宗特識邁前哲高翔區
外欽鴻儀幽浚力卻黃趙聘膏肓泉石潛茅茨潔身遠引事高
蹈丰裁不愧中郎詞建甯舊政風掠水當時兔目應全窺問之
童童寂無語喬柯曖曖墟煙遲平生所覩古槐二郭公祠並梁

公祠建甯久視距年遠以唐較漢殊差池俛仰亭前不忍去使
君好古無迺癡來年東歸重過此錦袍高挂酌以蒲萄卮

靈石山行書眺

亂山匝市望無垠中擘平蕪萬馬屯柳綻黃金微有暈溪環碧

玉膩無痕郭公槐坂前曾歷

郭林宗祠在介休縣大槐坂

楊子雲亭何處村

欲訪楊別駕向文不知住何村落

庵記蟠龍已三過彩芝五朵可猶存

蟠龍庵前曾產

瑞芝刊碑題詠記其事

二十二日至靈石西張莊訪楊墨林別駕

早趁朝曦訪友人翠微深處引通津田疇沃潤房櫳靜大似無

懷太古民

讀畫絃詩共墨林十年送抱感推襟鄉人莫唱高軒過禽向心

交誼最深

夜抵霍州六言

敢說賢勞鞅掌十籠樺燭宵行曉曉墟煙乍上蒼茫不辨山城
別緒勞絲難理鄉心逐日頻添遙憶深閨兒女鐙前細數郵籤

同懷弟法良校刊

男崇福謹校重刊

抱冲齋詩集卷三十六

長白 斌良 笠耕

藏衛奉使集二

二月廿三日行抵洪洞縣五姪

延志

時守平陽迎晤於

驛館喜成

滌洞渠溜抱彎環麥秀平蕪翠浪翻晉嶺西蟠青未了觚棱北
顧髮將斑龍文才姪欣重聚虎節疆臣祝早還明日倚齋齊會
合團圓何異在家山

尚之姪折杏花一枝插瓶中綠葉扶疏中結杏子一顆
同人繪圖以爲生兒吉兆題二短句

軍持隨意插花枝欣覩成陰結子時紅杏東風增吉兆充閭喜
定誕麟兒

彪文粹質氣冲和才姪龍文譽不訛此是神堯古都邑華封重
爲頌三多

皋陶廟瞻禮敬成

經過士師里瞻拜肅衣冠佐治除民隱知人啟帝難崇功齊稷
契末學陋申韓我亦爲司寇無刑化未殫

曲沃縣蒙村拜軒轅黃帝祠和壁間韻

蒼梧如虯護殿門君宗萬世此長存心傳賢聖同師範世系唐
虞盡子孫村社雞豚猶有祀歷朝牲帛久知尊輶車穩度千山
險制器追源亦帝恩

聞喜道中寫望

竹林轟飲嬾詩裁

連日在平陽署中飲宴未暇題詠

時雨翻將好句催驀地凝

眸心鏡豁隔河華嶽送將來

登公館後平臺偕程吟橋遠眺

落日平臺上
天空極睇寬
遙峯輕抹黛
小麥膩鋪紋
粹腳聊乘興
澄心得靜觀
呼童攜茗具
隨遇且盤桓

聞喜縣山行有懷尚之五姪

行役方春好
遙山暖碧融
梨花村店雨
楊柳驛亭風
詩夢繁芳

蝶鄉心託塞
鴻竹林懷阿
阮惆悵別河
東

太平曲沃皆平陽太守所屬聞喜屬絳州非尚之所轄之地矣

郭店雨後題

淺碧嵐光淨
眼塵嫩晴天
染蔚藍勻星
榆錢薄難供
醉水柳絲長
易綰春漱客
鈴聲搖客夢
招邀帘影慰
勞人平淮績
懋裴公里待
謁叢祠駐畫
輪

廢寺見僧募化者

一聲清磬一癯僧周道檀施遇豈能左紐柏蒼森立鐵苔階常伴佛鐙青

北相鎮村落茶肆小憩偶題

梨花吹雪柳垂絲恰值華林馬射時小憩茶寮饒逸致草窗趁暇錄新詩

二月廿四日路出平陽尚之五姪畱至官廨小住五日賦此誌別卽寄

小住衙齋月再圓細詢家政語纏綿婚姻投紱誰情篤子弟含香若秩遷竹閣琴書無恙否澹園亭榭可依然談深燭跋頻三見不覺晨熹照畫椽

連朝假館倚藤陰且住爲佳喜不禁侍史求書騰紙價佳賓贈畫慰山心羹湯鄉味粗俱妙咀嚼園蔬淡耐尋一室雍容家慶

集軼塵略息共開襟

三月初三日晚抵樊橋驛

百里平如掌縱橫麥隴斜林陰濃潑翠嵐靄薄籠紗太華峯遙
接中條路匪遐良辰逢上巳軼掌負鶯花

公廨後圃小亭

林陰深處聳茅亭撲面嵐光華嶽青儻遇歐陽工作記環滁輪
此碧瓏玲

樊橋公廨夜起題壁

倚壁竹檠漾虛窗不肯明兩番催騎從半夜問雞鳴偃榻眠蠶
嬾依檐眾雀爭征途太迢遞一百五郵程

自山西臨晉縣計算至西藏路程尚有百

餘站

臨晉道中望山卽和許培秀聞鶯舊韻

太華巖峯巒晴雲疑擘絮遙聞煙際鐘禪庵在何處

蒲州府四坡底望華山和袁子才集中登華山舊韻

我從燕薊來風寒利如刀重裘猶栗烈大壑颯怒號竭來歷臨
晉日照花枝搖旗亭楊柳青踈地垂長條脩途浩無垠沙輭馬
意驕狂思陟太華恃勇誇腳腰望嶽心已馳不待登雲巢夙聞
蓮峯峻孤立無朋交危崖隔不通穴石貫鎖鑰蛇行始能達俯
首看魁杓絕頂蘊天外莫測幾許高雷霆走瀑布烏兔懸松梢
巖險盤磴絕瞠目愁猿猱余雖未身歷神往隱可招埽空嵐翠
潑碧宇參清寥

蒲州晚發

古邑經蒲坂雄城粉堞新日翻鴉背影風旋馬蹶塵巒翠晚逾
碧渠喧近更真緩邊勞鞅掌宵未駐征輪

夜半抵礪河茅店題壁

滿院填車騎深宵鐸語仍健騾貪噉芰飢鼠慣窺燈小榻眠難
穩癡童喚嬾騰黃河須早渡諳語老郵丞

三月初五日渡黃入潼關

樓櫓臨高震巖城百雉分關山兩崖夾秦晉一河分畫舸帆如
駛黃河浪疊雲丹青舊圖樣設色李將軍

雨中過華陰感成

秦中五度住行輶昔夢低徊四十秋快覩蓮峯真面目半天梅
雨過名州

三月初六日瞻禮西嶽靈宮周游殿宇看周秦漢唐古
柏蒼翠蚴蟉真數千年神樹遂登萬壽閣望華嶽三
峯峻削參天形類方城晴雲出沒於巖巒變幻莫測

誠大觀也道人爲述華山諸勝游興勃然遂命肩輿
由華山門登華

金天立西極萬靈集晨朝摳衣叩帝座醇馥鑪煙飄地當少皞
都古木蒼翠交周秦漢唐柏粉版世代標盤桓復諦視懷古意
孔昭導登萬壽閣仰止三峯遙形如司寇冠峻極凌丹霄穹窿
五千仞方削如城峽圭稜互隱顯向背迷昏朝晴雲紛曄繁變
滅環峯腰擬倩圖真形莫覓黃鶴樵道人譚勝概逃聽心旌搖
蒼松瘦如鍼枝榦凌斗杓余曷往游乎稅駕名山椒西出望仙
門威紆曲徑遼晨光雜嵐氣滿目青寥寥時當暮春節萬彙生
趣饒芳畦秀桃李繡隴芄黍苗秦中余梓里五度乘星輶登華
昔未果半爲俗穴撓平生五嶽心約踐甯久要勇往志先定暢
觀神彌超東峯拓仙掌玉女如相招

偕程吟橋攜二兒慶福同游玉泉院

選勝相將嶽麓偏亭臺高下竹便娟未躋華頂參金闕且滌鞅
塵借玉篇使節醉觴花底露睡鄉仙隱洞中天無憂好學巖坳
樹旨悟希夷道自然

丹房燒筍集朋儔翠墨松肪感贈投欲陟青柯絕幽險驀聞雪
瀑激湍流擔簦五嶽願初遂點筆三峯志可酬他日入山生客
異斜行疥壁爪痕留

重至渭南有感

遮迺橐鞬導馬前風光依約似當年重來不見如蘭友季重琴
尊緲若煙

頻過棠治獨關情梅雨連宵徧渭城大好江南風景肖細蒲環

渚亂蛙鳴

吳澗尊前令渭南過時頗爲歡洽今歲重來澗尊已歸道山不勝感歎

贈華陰令孫琴泉明府

治

紫芝眉宇意淵冲
衣鉢知傳自潞公
禁暴端能翦豺虎
研經何暇注魚蟲
詩吟水部朝天早
秩領華封得地崇
聞說客秋多亢旱
可能發粟活民窮

喜晤林少穆中丞

則徐即贈

聯茵猶憶話金鑾
宦轍途分候十年
銅柱伏波標武略
玉堂淮海溯文瀾
性恬退想煙霞肥
望重朝仍柱石看
伯仲論交叨誨益
鞅塵翻幸得盤桓

三月初八日零口早飯題壁用東坡十月二日將至渦

口五里所遇風留宿韻

昨游太華峯壯志平生快
乘輅莅零口翻覺境湫隘
入山飯青精絕勝一鸛嘯
古道響松風疑濤瀉澎湃
小憩過茶寮支棚半

荆蒯泥牆覓客題頗爲館人怪詠古腹笥空歌難追五噫擷秀
富奚囊雖得老母戒

新豐

關中自古帝王都父老枌榆里社蕪此是西京舊圖樣漢家郭
恕記曾摹

咸陽渡河作

浩渺荒波入混茫如雲遠漱集千檣閒漁磻石畱遺蹟膩漲阿
房想舊香蒲岸騾綱喧晚渡柳陰鴉點亂斜陽鳴鉦畫鷁冠裳
會邪許聲中應接忙

偕希僑姪

延惠

德宜庵游崇聖寺

曬經臺古臨雲邊柏翠陰濃曲徑延石鉢人移自唐內

階前石鉢自滿

洲營地內掘出地卽唐之大明宮故址

琳宮僧說創隋年

寺係隋大業年建造

三千世界聲

聞廣五百阿羅梵相全

寺中有田字殿五百羅漢堂

迢遞秦關行已到片時

小憩結茶禪

過馬嵬坡唐楊貴妃墓

謬爲兵諫實要君宛轉蛾眉化斷雲畢竟阿瞞疏駕馭強藩驕將任紛紜

六軍構怨忽縱橫社稷心危伉儷輕密誓星前盡拋卻可憐殿枉號長生

天驕犯闕起漁陽禍水都歸十六湯武惠寵深姚宋際女戎何獨罪霓裳

香囊繡幃久沈湮抔土猶傳瘞太真惜少宮車過荒驛誰將殷鑒警妃嬪

紫茵埋玉渺荒墟考證難憑聚訟如地下玉環應下拜表阡辛

值畢尙書

唐書載馬嵬之難帝與妃引決以紫茵瘞道側帝自蜀還欲改葬恐反側自疑密遣中使具棺它葬地實

不可考而今大冢巍然尙存墓上生白土土人呼爲貴妃粉能悅顏色游女爭拾饋而畢尙書沅令知縣顧藩雷於墓前構堂三楹題碑冢上俾騷人逸士登眺吟咏故末語及之

棠梨樹映香難尋鸚鵡空煩寄好音一代興亡千載恨動資談劇費清吟

狎昵齊歌阿犖山唐書譚語亟須刪風流粉黛畱餘韻白土猶能澤麗顏

羯鼓霓裳繫夢思淋鈴蜀道雨來時佛堂鐙黯香魂渺猶復金盤進荔枝

武功縣

有藤傳古國播穀碧疇盈漆水平吞岸雍原曲抱城橫渠開理

學

宋張子厚講學於南郭外稱橫渠先生四方之士多歸之

慶善牘宮名

唐太宗生於武功之慶善宮爲渭水

浸沒無可考矣膺服對山更編摩邑志精武功縣志明康德涵著共七篇文最精確見池北偶談

行峽中

青天開一線峽底肖蛇盤不憚成孤注惟愁塞兩端高低時俯仰出入別暄寒來日蠶叢度應歌蜀道難

抵扶風行館天色尙早偕吟橋小飲偶題

駐節今何早虛窗夕照明酒多休亂性詩雋半言情林茂禽聲悅花嬌蝶翅輕武功山縣近姚合句宜廣姚武功縣居詩三十首刻壁間絕佳

扶風行館夜坐

信宿黃茅驛相羊興若何春深花影瘦山近夜涼多舊雨情偏摯新書字半訛披襟踏明月逸致慕東坡

過益鎮土峽

兩崖陡立森開張輭紅十丈隄眼眶悶似醺雞居甕底依稀風

景如閬鄉

河南閬鄉縣雲底頭土峽與此相似

岐山龍尾塘道中感懷

圖畫幽岐風物美棗林栗野碧凝眸威紆深壑蟠龍尾蓬勃飛
塵撲馬頭蜀棧縈心三峽陡觚棱回睇五雲游杖鳩驂篠奔童
叟悅說棠陰舊治留

余於庚辰陳臬陝西老民中尚有知者故及

岐山道中懷古

有序

三月八日抵鳳翔府晤舊掾陸子于詢鳳翔八觀坡
翁遺蹟子于爲余言府治東門外東湖遺址草蔓泥
淤久矣白太守

維卿

謀諸眾緒濬湖淤補築亭館風

廊水榭葺而新之頓還舊觀余樂其前賢觴詠之地
落成因假道往游登宛在亭過飲鳳池拜文忠遺像
徘徊祠宇不敢疥壁强效巴音聊記雪鴻爪迹云爾

蘇子簽判官此都少年豪邁舉世無我今乘輅歷斯郡白髮盈
顛逾耳順遭逢早晚殊莫別宦轍經過地則一韶年曾讀東湖
詩清華水竹神都馳綏邊遠出岐山下雲間陸子巾車迓鳳翔
名勝重八觀湖涇城角吹微瀾香山太守力復古傾者培之缺
者補我適停驂歷此間扶筇共訪澄湖灣入門苔徑森古柳含
痛戴瘦樹希有想見東坡蠟屐游踈地長條識底不問之敲眠
寂無語昏鴉作陣紛如雨魯陽戈指駐斜陽助我探幽興欲狂
雲榭風廊環近遠竹裏虹橋通宛轉臨流亭殿兀中央四面漣
漪碧浸棠秋水蒼葭人宛在濠梁會心晤真宰弱荷貼水小於
錢晚涼依舊含蒼煙古池下飲傳栖鳳鏡潭照影春波送蘿圖
瑞應播周南想像幽岐教化湛玉局低徊歎生晚今茲懷古空
思緬維看合抱植桐栢灌木干章碧宇參選勝剛逢亦何幸遺

相載瞻心篤敬慕公高躅仰公賢愧我勲名何有焉改歲承
恩我馬東轡香再謁文忠公噫噉乎李氏園天柱寺沙沈草蔓
少遺址惟賸城東半湖水尋仙在前芥壁恥乘興揮毫聊復爾
雪鴻爪迹長畱此

游華麓楊氏清白別墅

華山東麓款荆扉曲徑蒼雲翠滴衣到眼亭林今我識驚心觴
詠昔賢非王猷乘興欽神穆與可揮毫託意微千畝渭川何足
數畱連深隴嬾言歸

鳳翔縣圖雨曉發

解駁天光一笠圓肩輿衝雨步難便東湖老柳垂絲縷南畝新
秧翦翠鈿洛下陸機工筆札香山白傅醉盤筵多君潑刺生魚
餽縱壑洋洋趣灑然

白熙亭太守餽生魚一尾命僕放之東湖

由底店至寶雞縣途中作

靈臺峯入雲章谷水穿壑極睇古山川盪胸信清廓高原黍苗
芄繡隴界參錯一雨定有秋多收十斛麥

寶雞縣行館後有高臺可眺遠羣峯環繞野水滌洄煙
靄冥濛頗饒景趣因雨雲機難行小住一日卽題壁
間

雲陰變滅少端倪九疊屏張半在西一幅虎兒眞畫本誰擔寥
次待畱題

憶隔蓬瀛十二秋

御香常傍袞龍浮淋鈴疏雨關山夢入直還疑宿殿頭

岐山石硯

靈石產自岐山陽胚胎元氣鎔光芒琢爲硯材質精良鳳咮龍

尾堪頽頽陋彼銅雀遺清漳烏斯試草蠻書狂什襲永保母相忘

行館雨窗寫望

公廨虛窗拓風光媚客顏水生將泊岸雲重欲沈山獨速披蓑過偏提貰酒還旗亭佳句得誰與付雙鬟

由寶雞縣入山至觀音堂書懷

萬峯繭裏互迴縈篆路高低詰曲行馬踏層雲天際轉鳥穿密箐鳥邊鳴心驚絕壁盤螺影耳亂奔湍漱玉聲廿載蠶叢勞夢想者番游足快平生

過大散關

路轉峯迴第幾灣穿雲籃筍陟孱顏半天梅雨春寒峭鳴玉聲中度散關

晚宿黃牛鋪

萬樹綠如海巖坳又一村行貪看勝景詠惜少名言風氣時侵
座溪聲直到門人民多老壽疑是武陵源

入峽

平生五嶽游足迹歷強半蠶叢及魚鳧奇景天下冠余季鎮是
邦冠蓋耀璀璨每談蜀山水交噴共欣羨不圖遠綏邊親歷慙
私願况味啖蔗同佳境來積游初進陟部婁次第陵谷變萬峯
環匝市詰曲蟻盤旋石棧互鉤連架構凌虛幻驟綱時出沒樹
梢倏隱見振策陟欽崎徘徊心栗戰巨石互危崖枯槎撐斷岸
跬步懷冰淵垂堂戒須玩觀并李昉恭叱馭王尊憚造化信神
奇瞥眼景物換石壁聳天池蒼翠等沃灌秀色信可餐涼雲不
遑嚙肩巖不計尋俯視頭目眩大壑激奔湍迅疾驚急箭聲訝

雷霆碎沫疑珠琲，濺低似垂晶。簾高訝懸雪，練廬山瀑布飛開。
先美難擅子，丁忽穿雲篆徑盤一線東西迷，向背高下屢攀援。
峻極捫井參幽深，墮槃澗須臾躋層巒。大散雄關建時剛，梅雨
零漫起秋風。歎險可一夫當，竄瀛喜清晏途紆到每遲停。驂聊
息，宴行館傍雲坳翠屏開。劈面恩窓一飯過，欲去還回盼山中
風景殊崦嵫。認茅店不見酒帘挑，徒誇寒具賤雕旗。市僧場畫
壁神仙眷清幽，山水區俗溷厭褻。慢拾級躋峯顛，轆轤雲沒髣
圉夫百丈牽。纈泚幾脫弁，夙聞白帝子。師行息勞倦，坪畔偶煎
茶。佳名傳史傳而我適，乘輶登臨倚霄漢。置身青雲端，宅心宜
俯看大千入混茫。瀰漫白一片誰云蜀道難，亦有康莊便楊柳
板橋低芙蓉溪漲漫下有當壚人。婀娜飾白炫鴉髻，野花簪青
裙媚蔥蒨浮生如寄耳。光陰驚掣電雖云鞅掌勞，何須自縈絆。

東坡入峽吟麗句錦霞綯余強步邯鄲模範惜未善聊當記里
鼓未足質實彥不覺困駢征長吟且歡忭

草涼驛至鳳縣雲棧威紆徑甚巖險頗有戒心未遑吟
詠晚抵驛舍奉題一律

聞說蠶叢險乘輶遲壯游羣峯如繭裹曲棧肖蛇脩激瀨晴雷
吼枯槎斷岸浮慄然心有戒閒詠景難周

登鳳嶺

寶雞兆嘉祥鳳嶺峙崑崙農征戒徒御結束勿力怠稅駕郭西
門積漸厯高塏威紆螺磴盤一折一境改湍瀨激礪礪傾耳水
流浼靈泉琴筑鳴澎湃遊珠琲影疑白鷺翔羽翮雪霜睢肩輿
厯崇阿圉夫氣先餒萬仞陟高空俯窺色然駭翫翫無底寶瀾
漫雲絮擁蝦鬚雙絳繩牢結固難解氣蒸相饋餽空湧騰異采

飛鳥慕王喬作霧疑張楷神游音光天目眩水銀海魚貫學猱
升魂驚頓癡駭奇石宛排衙迎人形礮礮或如獅象蹲或作夔
踞躡圓或覆甕益方或列鼎脩銳或森戟又堅或披甲鎧或疑
荷擎蓋或如蓮吐蕾伏或訝扇扇奔或齊身獬狴獬惡鬼趨簪
笏神靈在體類有萬殊甄陶仰真宰振轡入雲深霏微絲雨灑
嵐氣溼衣裳山靈豈吾給去天纔尺五峻極嵩華倍欬吐帝天
聞行藏須慎乃游子戒垂堂臨深且自悔持節過名山不比清
游每辭壁偶畱題勒銘應有待

南星鋪

巖坳藏聚落茅屋與雲齊水碓旋如磨山田疊似梯林深眠繭
栗瀨淺戲鳥驚恰訝秦關路風光肖雪溪

柴關嶺道中雜興

一重掩映一重遮翠嶺欹磴道斜傳語肩輿須緩步使君沿路賞煙霞

幽巖奇石愛玲瓏藤絡苔封草樹叢我有癡情訴真宰五丁移植澹園中

疏雨霏微澹欲無四山嵐氣溼模糊駢征怕值淋鈴雨鳩婦深林作意呼

高下山茨萬綠遮春光偏屬野人家青裙少婦當壚坐鴉髻斜簪白芍花

斧劈皴痕粉墨濡荆關妙繪蜀山圖畫師宜看蠶叢險邱壑胸臆氣味殊

潑翠巖巒望眼迷曾傳辟穀此幽栖前賢李杜多遺詠芥壁蕪詞不敢題

柴關嶺

天風吹琅然頓冷裳衣整峻坂折威紆高陟柴關嶺
磔磔行藤園人步難遲迎面萬峯青拱列兒孫領幽瀨
激奔湍清音琴筑併山棚覆松篁星飯市胡餅甌笠帶
騾綱宣和畫中景嵐氣曉猶濃冥濛露山影駐節紫
柏山館人相造請偶憶赤松游仙機發深省

紫柏山拜漢張留侯祠

紫柏山椒偶駐驂留侯遺像敬相參誤椎博浪秦皇
震定鼎咸陽漢祚覃好時阿房沈蔓草赤松黃石供
仙龕留侯祠龕中供
奉黃石公赤松
子與子房
共三像我名適與公符合祈示神機靖粵南

褒斜谷中渡水

雙峽千雲翠埽天奔湍觸石急流濺山緇善解菩提
意普渡新

成大願船

由臨壩入褒斜谷出古武關度廿四馬鞍橋卽蜀道最險峻處晚宿馬道驛

摩天峭壁倚巉巖羊腸線路弓靶彎石棧連雲半虛構捫參歷井勞躋攀嵯峨高莫計尋丈但見鴉背夕陽殷褒斜幽谷信天險導江源遠來岷山峽中亂石積礧礧奔湍觸處鳴潄潄瞿塘激灩未身歷對此已覺驚蒼顏危磯宛若駝背拱馬鞍形象橋痕環廿四番風數相合石徑窄狹行維艱驀然俯視頭目眩冰淵自懷愁髮斑平生老健誇矍鑠馳騁射獵技素嫻虛名約略轉增懼烏斯萬里猶閒關千金尙懷垂堂戒畏常存豈弱孱

馬道驛館夜題

數椽結構枕煙霞雲霧疏鐙薄似紗萬壑溪聲喧旅夢恍疑風

雨到襄斜

襄谷曉發

襄谷崎嶇路涼雲馬足侵溪喧宵滅寐嵐溼晝常陰山好頻開
眼途危有戒心胸中邱壑具千里助清吟

行峽底龍行溝

亂石森矛戟延緣學蟻行崖坳滋薜翠石罅走江聲白霧細如
雨青橋拱若衡谿山具真意模範孰能名

青橋驛

危棧灣駝背迴峯錯犬牙穿雲人子不礙路石崢嶸香稻尋常
飯茅檐到處家谷中風物暖三月見橘花

鳴玉棧

萬峯插漢翠雲稠千里岷江導碧流宇宙包羅大園囿乘輶排

日作清游

燕子礪

盤螺登曲礪細路走虛枵爲避驚濤險翻行獨木橋奔湍衝石
角危棧抱峯腰寄語諸年少康莊意漫驕

觀音礪

凌虛支板屋村落隱巖坳行宛穿珠蟻騰輸跋浪蛟慈悲應普
渡熱惱頓全消心境欣開朗襄城路匪遙

過雞頭關

昨朝振轡逾鳳嶺天險今陟雞頭關雄關高據襄谷口參旗越
井連巴山青楊棧起抵石澗閣道二千有餘閒老君崖及憩竹
礪蛇蚓蟠曲勞躋攀威紆細磴盤七折下臨無地愁髮斑雲迷
大壑望無底半嶺猶聽流淩潏眾牽百丈聲邪許圉夫魚貫相

援拔後人額觸前步踵穿雲仰面行維艱峯腰倏忽見石像恍
如老壽垂髮巖廟祝稱爲白土地神靈赫濯傳千般居民報功
感敷佑短碣林立書編爛我適綏邊行萬里瓣香祝早承

恩還須與昏鴉繞足底西崦倒射斜陽殷逡巡緩步悅徒御坦
徑不踏山石頑襄城雉堞儼在望頑豁心境舒蒼顏

陝開南山道直抵漢中有青楊棧抵雞
頭關四十處計二千二百七十五間

明成化中
余子俊撫

同懷弟法良校刊

男崇福謹校重刊

抱沖齋詩集卷三十六

長白 斌良 笠耕

藏衛奉使集三

二十七日出褒斜金牛峽口由褒縣至沔縣驛路康莊
不似北棧巖嶮喜而有作

七日行褒斜如骨咽在哽金牛峽底盤鬱堙悶難省蹇墟接欽
岑線路頗荒憬憩竹燕子礪歷過心猶耿跬步懷冰淵捷足亦
難逞灌耳奔湍鳴觸石力何猛旅愁正無那濤聲聽增恐閣道
亘縣延石棧雲光併高低不一律上下在俄頃俯仰歎隨人事
權難自秉登訝陟天梯落忽入智井蚓曲復蛇盤七折登絕頂
有戒僕頻詢途脩慣延頸停驂良其背風襲征衫冷蟻旋下層
巒縱目襟懷騁恍惚像秦人頓入桃源境川原睇平曠眷茲村

落景土腴竹樹叢日出房櫳靜小柵畜雞豚深畦開蛙黽沿流
飛沔水帶岡環舴艋萬頃蹴韡紋溟濛浸山影余心頗開豁佳
趣閒會領出簷獲平安駢征邀厚幸下里愧巴音高歌正思郢

沔縣拜漢相諸葛武侯祠

羽扇綸巾第一流志崇正統在安劉三分事業隆中對兩表忠
誠漢上留運厄莫回拌盡瘁主孱難輔獨懷憂渡瀘五月南蠻
服我愧綏邊續壯猷

題劉研卿參軍棠湖餞別圖

名欽弼甘泉縣人

萍逢良掾話纏緜舊憩棠陰愧尙傳惟有秦時明月好清暉常
伴杜樊川

棠湖綠柳碧毵毵客路鶯花月正三不獨參軍鄉思切披圖我
亦憶江南

沔縣

諸葛屯軍處巖坳峙古城夏涼風色峭谿谿漲峽江平茆屋櫻欄倚山田薯芋耕秦關雖已歷南樓尙崢嶸

蔡壩道中書懷

郵亭琢句小遲留又上籃輿陟嶺頭棧閣危時頻勒馬溪山幽處有行舟雲光峯頂開仍合巒影波心住亦浮蘇杜吟情關董筆煙霞應亦畏雕鏤一作蜀道過難看卻好煙霞瘦句極雕鏤

晚抵甯羌州大安驛

鎮日籃輿曲傍坳蛇盤蚓裊路條條櫻欄樹半依籬種秔稻田多引瀟澆花朵伶俚名不識峯巒瑣碎望非遙揆辰恰值荒郵度密友偕行不待招謂吟橋

大安驛僕從以山蔬介壽喜題時丁未三月廿八日初

度

揆辰偶值在荒郵介壽奴星禮敷周驛號大安佳語協硯磨長
樂吉光留山麋偶過銜芝草仙鶴時來益算籌親到南山縣甲
子長庚今夜耀巴州

過五丁關

秦關通蜀道到此界平分山溯五丁關人方四牡勤石叢巉漱
玉峯峭銳穿雲夙具煙霞癖身經勝所聞

金牛峽中曉行

首夏清和屆晨征豁素襟絮雲隨岫轉沙柳較波深陂乳畦邊
犢銜櫻葉底禽熟梅天氣好大壑半晴陰

甯羌峽中雜題

萬峯環匝市重重如裏繭行學蟻穿珠詰曲沿谿轉輿夫宛吳

牛牽緯聞呀喘摩崖壁窠書地類九折險

造化信神奇靈山蘊深窅蹇岨接嶽崖巖嶮出意表鎮日棧雲
盤睇空羨飛鳥

翠厂腹虛枵石竇老佛棲薜荔翦衣冷蘿蔓依眉低頓悟妙明
心圓月升前溪

懸崖五千仞飛泉搖匹練水氣化涼煙珠璣時灑面瘦瓢汲取
嘗冷雲齊下嚙

雙峽儼壁立中央勢逼窄亂石互嵯峨飛泉湏層疊聲疑畫鼓
鞺影訝晶簾揭

橫峯勢蜿蜒迤邐石棧逐甍筍覆騾網凌空走躑躅繞鳥白雲
漫俯首駭心目

甯羌行館夜雨和王漁洋先生韻

倚枕不成寐淋浪夜雨天畏行岵家險疑泛峽江船巖嶮人稱
最賢勞我獨偏舫棧四千里萬嶺隔蒼然

出金牛峽和張船山太守韻

金牛溪峽外豁目遠灘平稻隴谿坳關藤條古驛橫心懸憩竹
礪目眩雜花坪稍喜聞根靜溪聲雜鳥聲

牢固關

切漢雄關峙欹崎迴不同層巒千笏擁峻嶺七盤通雲傍飛泉
走花緣絕壁叢嘉陵江驛近買棹避穹窿

七盤關

盤盡螺梯到嶺頭蜀秦形勝此襟喉峯環岵冢千重翠江導岷
峨萬里流昔日霸圖勞割據今時嚴壑極雕鏤金湯不恃邊陲
靖戍卒畚田芋粟收

晚抵廣元縣之神宣驛

天梯石棧互迴縈路入蠻叢第一程嶠家峯連融暖碧嘉陵驛
近走江聲盤登櫻筍鄉殊味親值葭莩宦有情身歷壽仙舊里
閑壯游洵足快平生

龍洞背

嶠翠仰懸崖陡絕登無從古洞闢岢岢云是龍所宮幽壑鱗鬣
潛雲隱尋無蹤藤蔓垂藍鬚煙靄棲冥濛窈窕杳難測浩洶呼
長風飛瀑噴雪濤匹練懸高空崖端產石硯往拾娛兒童羅紋
細雨縷卻怪誰磨礱惟天不愛寶造化施神功盤縈陟嶺巔風
冷衣裘重傑閣聳突兀巉絕細路通梯雲度危棧語妙難形容
乘輶歷欽岑披豁開心胸余性癖煙霞選勝乘花驄南征越甌
浙北走踰烏蒙足迹半九州往往攜詩筒夙豔蜀山川壯麗天

下雄廿年勞夢想無計過穹窿承

恩綏藏衛鞅掌踰巴寶天或昌我詩作意勞我躬未讀書萬卷
腹笥唾楊窮壯游經萬里邱壑蟠胸中魚鳧古邦國李杜支吟
筇雷門侈布鼓見鄙胡朦朧紀游寫騷懷遑論拙與工不見擘
窠書半被蒼苔封

千佛崖

峭壁開千仞莊嚴法像全恆河沙數比畢鉢翠崖鐫雲氣華鬘
湧江光大鏡圓未能登彼岸鷁首禮青蓮

拜卽於舟中
望崖頂禮

過昭化縣天雄關

嶺脊蒼髯列蛇盤曲磴通林風喧地籟關隘數天雄聚落綦紛
布江流帶縹同漫誇蜀門戶劍閣倍穹窿

晚至大木寨

篆徑螺旋喜度關，纔過更覺嶺巔顏。
僕夫力憊山偏好，步緩翻教賞響饒。

欬唾層霄得句奇，千峯常繞佛低眉。
旁觀爭羨青雲陟，身處高危不自知。

大樹塘早發入劍關作

日昨度天雄，巉嶠已難上。夾道列松杉，東西迷背向。
信宿大樹坪，蒙茸給供帳。晨征陟劍關，天險更奇創。
羣峯拱兒孫，層疊如翠浪。古柏上參天，怪石儼相讓。
陡壁訝金城，雉堞依稀彷彿。迴厯峽口，驀覺神張王。
單路垂線縷，直登頻仰望。兩崖森壁立，中央高閣抗。
千秋霸圖歇，猶存割據狀。門雖兩扇，塘關可一夫當。
丸泥函谷封，妙喻果非誑。昔讀少陵詩，意欲鏑疊嶂。
此論殊未

公還須細籌量，刷平固屬佳行旅。
頓舒暢，長城惜自壞，誰禦疆。
國壯草木亦奇兵，鈇鋒侔戟仗。
不如仍舊貫，余說頗堪尙西蜀。
此咽喉，金湯資保障。

暗劍關驛丞王

得杰

長揖握迎驛路閒，雲亭隨理牘如山。
漫輕小吏青袍職，得守西川第一關。

入劍州山中，自天然橋至州城，嶺松柏參天，蔭互數十里，爲生平所僅見。命奴童烹茶坐石上，喜題。

蒼柏周秦歲月深，濃青蒼翳晝常陰。
貞操不改堅剛節，謾歛猶傳太古音。
幢蓋高張消夏日，雪霜歷劫抱冬心。
我來據石煎茶坐，淨滌征塵豁素襟。

武連道中

劍閣南來嶺漸平，羣峯合沓翠雲橫。
綠團聚落枰齊劃，白走溪流帶曲縈。
節近熟梅人易倦，途緣蒼柏景猶清。
詩篇半借江山助，路入蠶叢好句成。

四月朔日抵蜀朝天鎮，買舟渡嘉陵江，就黃牛驛行館。
早飯復登舟，行峽底，見兩崖壁立千仞，堆雲積翠，扁舟容與，人在畫中。顧而樂之，晚抵廣元縣，率題四律爲避崎嶇路，卽須自買舟。鈴聲喧斷岸，蓬影漾中流。灘響晴疑雨，風涼夏逼秋。灣碕午停泊，一飯小遲留。

宣和遺畫本青綠，繪生綃虛構尖頭屋。危支合口橋石攢穿急，溜峽東走驚濤有客相容與。嘉陵驛匪遙，

四十年前况輕舟。泛碧瀾江流綠大壑，帆轉映層巒。石佛崖端刻山城，畫裏看停橈。倚脩竹三老報平安。

浪湧客心驚風過水面涼藤垂引猿臂棧陡度騾綱烏鬼嚇魚
猛黃頭蕩槳忙不圖昌益郡風景宛江鄉

武連驛舍夜雨

旬日蠶叢正快晴淋浪夜雨滴階鳴館人愛種芭蕉葉畱向巴
山助雨聲

武連驛冒雨進發至梓潼縣上亭鋪途中感懷

冒澍駢征繞曲谿圍人滑澁怕衝泥坡危騎每兢兢度箐密鳩
偏恰恰唳回首觚稜九天上側身邛笮萬峯西多情玉立蒼髯
叟溼翠迎人似翦齊

上亭驛雨中山行和王漁洋先生梅心驛舊韻

嶺路蛇蚓盤夾植蒼柏樹參天翠黛森一半堙溼霧俯窺絮雲
漫郵亭果何處澗底激奔湍石觸逢彼怒回睇線縷縈我適曾

經路欣茲臘，麥天偏值淋。
鈴雨郵程恐，滯淫煙巒巘。
莫攀畱衝泥，縣城去。

瓦埡雨中雜興

衝泥高陟嶺，屏顏潑翠煙。
巒沓靄間不是駢，征勞櫛沐何緣得。
看雨中山。

客程最怕聽淋鈴，無那林鳩喚樹仍。
繪出南宮詩裏畫，如塵絲雨過嘉陵。

威紆螺磴步蹊趨，斷柳斜塘獨木橋。
馬首涼雲紛壁絮，武連山驛雨瀟瀟。

鞅掌皇華未敢停，雨中穿樹影伶俜。
米堆山仿襄陽畫潑墨，淋漓染曲屏。

長嶺望梓潼縣

百里開平楚屏山繞四圍
驕懷隨境豁逸興逐雲飛
潼水新羅帶畚田古衲衣
幃帷何處駐粉堞望依稀

梓潼行臺晚飯感懷

戟門鼓角晚傳餐水參山
膚疊滿盤不及茹檐小兒
女瓦盆粗糲共團欒

梓潼驛館雨夜不寐偶題

人靜宵深每憶家試鐙風
裏別京華潼川仙令多情
甚新益笙歌兩部蛙

撒粟音清與耳謀倚窗蕉
葉雨聲留歲蕤斗帳重重
護鄉夢何由達薊州

大廟鋪

蚓曲蛇盤篆徑縈兩行蒼
柏翠雲橫何期萬仞峯尖
險險盡依

然砥路平

絳節朱麾逞俊游
流泉聲裏聽鳴騶
雲山萬疊蒼茫隔
更有天涯劍外州

絳州魏城道中

釜底平疇闢山屏
市四圍土膏桑葉沃
雨足稻秧肥磨礪風隨
動輪翻水欲飛
地饒耕織易生計
豈云微

宣化鋪

晴雲時傍樹梢飛
稻隴平侵驛路微
正是羈情無那際
鳥聲曉道不如歸

抵絳州

百折千回度嶺巔
繞村竹樹媚晴川
低徊杜老觀魚處
無限詩情向左縣

惻脰瑤京思惘然別來兩度見蟾圓

余於正月二十八日出都計程四千數百餘里四月

七日始抵蜀中之左縣計期已行過兩月矣

山行劍外寒猶峭曾否征衣寄左縣

驛入嘉陵意便如喜無石棧路盤紆呼童烹鯉須珍重恐有家

山尺素書

片刻揚舲速比郵高巖噴薄浪花浮鄉心翻羨涪江水直到吳

趨匯眾流

蘇州刺史黃魯溪姑蘇人故及之

金山鋪書即目

縣南一片好煙蕪繪出幽風古畫圖竹色繞村濃欲滴嵐光隔岸澹如無三椽漁屋黃茅蓋千頃秧田翠毯鋪秦隴河山相並較蜀中天府信名區

晚抵羅江

竹覆門難見畦侵路欲無鄉民誠庶矣禮教亟應敷

阜角鋪寫眺

新墾秧田幾稜斜竹陰深處自成家連朝夜雨添溪水約向畦塍共踏車

四月初八日石橋鋪瞻禮水月觀音石像

佳晨逢浴佛四牡正駸駸爲叩青蓮座言尋紫竹林煙霞參淨果水月護觀音未守岐亭戒徒懷樂善心

羅江題驛舍

雄城百雉枕雲間千尺虹霓似帶環星使遠臨龍尾道天兵曾據鹿頭關谿深輪轉農夫憊堡靖弓鞘戍卒閒投命成仁眞國士鳳兮偏獨值時艱

羅江縣曉書卽目

竹梢深翠媚朝晴畦水聲中叱犢耕到眼紋江風景好頓增詩

境豁羈情

市地平蕪畦劃水極天峻嶺雪攙雲筆無造化摹難出聊託清吟與眾聞

斧劈皴痕椒點攢環村竹樹枕層巒分明董巨荆關筆幅幅圖成送客看

天開園囿蜀川中島漱滌洄竹樹叢何必攜樽重覽勝肩輿經處暢游同

蚓曲蛇盤十日程蘆叢雲棧路縱橫乘輶白馬嚴關度萬頃秧田一掌平

嚴君平卜肆題

高躡遺徽傍古城當年卜肆記君平抱神以靜知來往合亭期頤保令名

題姜詩龐氏賢孝祠

廣漢姜母好飲江水泝流而汲去舍數里孝婦龐氏還不及時
母渴怒責詩卽遣之妻避鄰家日事紡績敬市羞珍鄰嫗送食
後母達意其姑始知急喚氏還感彼孝思偶值歲荒赤眉賊來
感遺米肉不食潛埋至性通天舍傍泉湧雙鯉躍出甘旨日奉
漢永平年詔出顯宗旌彼純孝拜爲郎中我出漢川嘉其懿行
善人是居憑車生敬載賡載咏誠爾邦民是效是則攸敘彝倫
過漢州賣卜臺

方印坡陀峙曲隈君平卜處贍高臺英雄割據俱消歇戰壘蕭
蕭蔓草萊

漢州公廨夜雨

浙瀝音傳雷滴鳴宵深枕上聽分明行踰雲棧三千里路入烏

斯七十程一穗鐙花添喜色半窗蕉葉助清聲遙知金雁橋邊
堰綠漲玻璃萬頃平

新都道中

瑤瑁雲凝釀薄陰平疇萬頃茁秧鉞肩輿忽漫晶窗暗知入村
頭翠竹林

同懷弟法良校刊

男崇福謹校重刊

抱冲齋詩集卷三十六

長白 斌良 笠耕

藏衛奉使集四

四月十五日劉燕亭廉訪

喜海

徐君青

有王

吳我鷗

珩

兩觀察邀同泛舟至臨江閣小集訪薛濤井遺址晚歸

雲光瑋瑋喜初晴珂繖聯翩出錦城萬瓦魚鱗團聚落一規虹
彩束江聲擣樽選勝聊乘興擊汰揚舲卻有情畫棟朱簾高閣
聳滄波倒映夕陽明

一樹枇杷可在不竹陰古井校書留箋勻五色桃花水美姬千
秋燕子樓鷗席偶聯金石契朋簪慶盍漆膠投老夫別有開懷
處梁益時和逞俊游

劉燕亭廉訪於長安慈恩塔下拾得唐泥造像面有銘
曰大唐善業泥壓得真如妙色身十二字書法遒勁
直逼歐褚率成二律

埏埴青泥老佛身拾來斷臂證前因永徽標格元和腳十二年
尼顙顙勻

善業何須舌吐蓮白毫忽見相光圓陋他敬客銘甄塔戈法楞
迦脈共傳

路出錦城畱別聚之將軍廉敬

含香記共宦京華歲月奔如赴壑蛇守口不談溫室樹賞心同
看杜陵花絮萍蹤迹偕爲客櫻筍光陰每憶家幸值葭莩東道
主劉盧誼託倍增嗟

蓉城攬袂信天緣日向衙齋醉綺筵使節已叨行賞費奴星還

賜辦裝錢籌邊機要殷勤告撫眾茶綱次第頒頒釋駢征鞅掌
累情文周巾感殷拳

大雷書札字應漫相對蒼茫感百端雲署曾隨司案牘

余於道光六年

從事秋曹時聚之妹婿亦官刑部侍郎

錦城重聚集衣冠前塵回憶情尤劇垂老

相逢意倍歡君握金符余秉節遭逢莫作等閒看

裘帶雍容撫益州將軍敷政本優優笑談早靖寇符盜鎮靜羣
欽定遠侯鉅細親裁心似髮封圻日畫雪盈頭多君專閩兼開
府生佛西川聽頌謳

雨中邛州曉發

梅雨霏微值嫩晴黃泥坂峻磴迴縈新秧冒水羅紈膩修竹凌
霄翠雨橫絃冷琴臺懷卓女錢空卜肆記君平馬頭鼓吹喧闐
際驀聽新蟬第一聲

名山道中

筍輿穿入翠雲坳
稻隴縱橫線路交
水竹清華幽絕處
狂思招隱結衡茅

雅州洗馬池道中和陸放翁豐橋旅舍韻

複翠閒孤青嶽崎出意表
蜿蜒高復低豁目看不了
巖嶮遜蠶叢不致憂心悄
迎人翠黛濃灌耳驚湍少
駢征迅發不暖席草
草郵亭不遑食竹林鳩婦
莫頻嘯怕值淋鈴雨如織

曉宿百丈驛和吳白華先生韻

錦城十日畱偃息憫僕御
鞅掌趨星軺未買新津渡
山行亦太好峯巒團竹樹
漱玉鐵溪橋簇錦斜江戍
秧田翠鋪氈晴雪點白鷺
竹陰涼覆舍稻隴傍侵路
到處易攀畱名場半親故
山川似有情蒼碧迴護回
睇望京華觚棱渺何處
門前鼓角喧明

發邛崃去

金雞關

嚴關松竹擁據險跨嶽岑飛鳥應難越奔泉自好育雲輕繞眉
睫嵐重溼衣襟小憩蒙茶吸清涼滌客心

由百丈冒雨至雅州

馳征午夜趨星郵櫛沐辛勤莅雅州蒙蔡雙峯青對峙峽濱二
水碧交流平羌昔記綸巾渡乘傳今方振轡游梁益巖疆真鎖
鑰好修戈甲護金甌

諸葛征孟獲曾駐軍於此故名諸葛渡

雅州曉發過嚴道山

竹樹陰森翳古坪螺旋石棧步迴縈望中雨氣兼雲氣腳底風
聲雜水聲綠暗村深涼翠合朱明節近峭寒生吟情不敵蟄叢
曲起伏全無一筆平

觀音鋪

竹裏遙聞澗水潺，單青複翠鬱迴環。
平時最賞公麟筆，一幀雲煙設色山。

久美橋觀瀑

蕉葉樓欄翠蔭交，涼雲孽絮滿巖坳。
奔湍噴雪晴雷吼，好景難忘久美橋。

相城早發

卵石平鋪細路勻，稻田秧茁翠痕新。
山雲靉靄飄涼絮，渠溜潏潏捲溼銀。
古佛慧燈傳幻影，瓦屋山爲辟支佛成道處，瓦屋聖鑑爲榮經縣八景之一。相公軍壘贍空閭。
武侯曾於榮經屯兵，故名相城。驚濤噴雪晴雷吼，詎是人間寂寞濱。
沿途澗水潺湲，聲如雷吼。

孟渡

王尊循九折孟獲記初擒一水曾經渡千秋鑑此心漢源波滑
笏巖道嶺崎嶇我亦綏邊者揮鞭寄慨深

由箐口驛晚至界牌行館

筍輿過箐口花竹媚斜曛峯峭穿雲脫湍奔觸石分茶香當戶
焙泉響隔村聞日賞清華景誰言四牡勤

度金龍關

翠帟寥空擁髻鬟邛崃天險控羌蠻輪蹄徧踏三千界風雨兼
程十萬山去國心殷添白髮籌邊力瘁改蒼顏北人倘問余消
息已度金龍嶺上關

由雅安迤邐南行經巖道山過飛龍關踰風木捩麻柳
灣路頗險峻雨夜渡七縱河三鼓始至榮經縣行館
犂确灣碕礙馬行一程足抵兩三程居鄰松竹民多壽地近江

山雨易生在昔七擒勞盡畫卽今四牡困駢征平生所恃惟忠
信夜渡狂瀾迴不驚

芭蕉灣

綠天深處住山農繞屋周遮暖翠重邛笮野雲知送客相隨籃
筍度高峯

桐子林戲作

臨邛小市少塵侵開戶簫香傍竹林綽約當壚疑卓女征人遮
莫動琴心

夜宿界牌驛館題壁

森然衾鐵峭寒侵響滴蕉桐夜雨深萬壑溪聲喧攢夢頓生清
淨妙明心

界牌驛舍偕程吟橋看山小集偶題

駐節今何早郵亭半晌閒
大烹出荒驛小飲對名山
花影穿簾悄溪聲隔嶺潺
行勝須準備明發陟孱顏

二十八日行抵雅州清溪縣之界牌驛
夜雨沈沈衾寒潑水館前澗水奔騰
灌耳不能成寐黎風雅雨到此信然挑鐙題壁

涼翠四山抱沈黎夜雨鳴
鞞帷入雲氣高枕納溪聲
碎點住還滴疏鐙翳復明
出都九十日茲夕夢尤清

由界牌驛冒雨曉發將登大相嶺

緊峭芒屨著意營圉人
準備陟崢嶸泉甘土沃禾
常秀雲近山多雨易成登
陟畏行泥滑澁馳驅况值
嶺縱橫農夫歡喜征夫憊
造物難諧眾庶情

黃泥鋪

古驛黃泥坂谿坳聚落團炊煙雜雲氣盤石激流湍山靜民多
壽峯高畫易寒邛峽天一角何處是長安

雨中過大關山

巖巒著雨等膏沐髻鬟髻髻增靚妍溪聲微喧廣長舌雲影細
擘兜羅縣穿煙僦從健於鵠緣嶺冠蓋飄如仙綏邊路指天竺
國竹松味雨通香禪

大相嶺

九折巖巒篆路縈高山名以相公成危崖垂蔓青絲絡大壑飛
泉漱玉聲瘴雨縣延如有約蠻花婉孌不知名蹇墟納踵纔容
半到此翻形蜀道平

相嶺謁武侯祠

峻嶺千盤鳥道橫舊傳漢相此專征七擒七縱天威振三顧三

分帝業成勛並伊周心共鑑志吞吳魏恨難平綏邊我亦羌蠻
撫愧少填胸十萬兵

冒雨晚抵清溪縣雜題

萬仞懸崖壁削成延緣窄磴日危行能遮望眼心無恐竹樹於
人亦有情

雪瀑砰霆聽駭人喜踰峻坂近城闔民居板屋漫無瓦始信東
坡句逼真

風襟雨帽影伶俜四牡驂騑午未停忙裏轉多閒意趣野花隨
意插銅瓶

路滑途長到每遲縣前已是晚炊時涼雲滿腹餐霞侶暖日宜
傾酒數卮

清溪縣署題諸葛武侯手植槐和吳明府韻

濃青十畝豁詩襟古治沈黎絳節臨曾向祠堂瞻翠柏何期今
復憩槐陰

拂檐碧蔭絕纖塵樹以人傳感迹陳想見七擒曾繫馬召棠相
較倍通神

四月二十九日夜宿清溪縣署之綠陰書屋風雨連宵

感賦

夙聞黎風兼雅雨俗諺傳播將無同邛峽秉節歷三日霖飛震
霖羈行蹤昨朝登陟大相嶺鳥道千盤臨絕頂飛雪砰訇駭夢
魂蹇蹇逼仄增惶恐駐節槐移古署偏猶飄撼屋似牽船寥空
觸發元冥若夜殷繩牀警客眠巽二宣和亦大好前山石磴塵
如埽不愁泥滑礙行滕爽挹詩襟快晴昊虎節巡邊勵壯猷出
都三見月輪秋清溪已過無州郡地雜蠻羌萬里郵

過清溪縣
卽無驛站

沈邊土司
供應烏拉

晚過鳴鳩塘

萬綠團雲藏板屋雙崖壁削束江流巖坳向夕寒尤峭宜著仙人紫綺裘

飛泉噴雪匯前谿砥柱中央巨石低山水自佳行最險半天風雨過沈黎

穿雲綫路鬱嵯峨擁蓋危行怯蹇坡怪底今朝新詠少登臨兢惕戒心多

墟煙漸翳柳邊營鴉背斜陽的皦明躡屨擔簦令儻從侵晨高陟化林坪

過冷磧甘露寺和東坡偕張懷柔游蔣山韻

空翠沾衣袂廉纖雨灑然徑紆呼衲引蘚漬蝕書年偶倚闌思

樹同登大願船七層盤翠堵九品植芳蓮古桂依巖列叢篁貼

地偏使君停絳節長老感華顛殿惜敲楹柄人誰施布泉香鑪

紫淨域

香鑪峯正對寺門甚爲秀拔

粥鼓震鑪天

地屬沈邊土司管轄

觀瀑飄涼雪參

茶汭溼煙相公畱手翰書額信便娟

殿前懸湘浦相國書額

晚抵化林坪沈邊土司周永年遠迎云燕山弟觀察建

昌時曾經叩謁喜題

鎖鑰邛崃第一門貔貅五百衛屏藩昔年鎮撫懷子仲尙有蠻

人說舊恩

五月初一日過瀘定橋

兩崖對峙排石柱鎔鐵中貫索九條巨絙旁互當關檻淨空千
尺瀘江橋其上平鋪白木板舉足渾疑踏絮輒中央搖曳激奔
湍頭眩目昏天地轉竭來奉使此經過膽悸魂驚恐懼多臨河

幾欲迴征轡戒懷垂堂理有那乘輶遠向蠻荒路水府靈昭默
呵護王尊叱馭氣同豪涉險惟憑忠信渡足迹經行九州半似
此危橋真罕見虹霓彩煥鵲翅填妙構相方倍虛幻噫嘻乎忙
中歲月奔輪旋仰止尼山感在川往來梭織人如蟻蝸角蠅頭
各自牽

龍壩鋪

危崖峭壁增惶恐駭浪砰霆驚夢魂奉詔綏邊勵臣節幾番叱
馭效王尊

大彭壩

雲豁峯尖穿銳穎潑瀨喧石磳疊危梯巖巒到處佳山水荒微誰
人爲品題

晚過瓦斯溝

峽底垂楊翠縷疏雲根浪激雪花颺澹皴丹赭黃公望一幀天
池石壁圖

初二日抵瓦斯溝山溪驟漲漫漫溪路難於前進因就
瓦斯溝茅店宿焉終夜驚濤灌耳聲若雷鳴喧聒不
能成寐挑鐙書此紀之

山漲奔湍萬鼓鳴浪花滾雪響碎匄茅茨退避蠻溪險徹夜猶
聞澎湃聲

頭道水行館觀瀑

翠壁高千仞凌虛吼瀑泉光明搖匹練噴薄捲涼煙勝擬廬山
景幽通雪竇禪大書壁窠字題向碧崖鐫

擬題千尺雪三字鐫巖上

頭道水兩崖對峙中束奔湍雪浪迅疾水聲碎匄如雷
聞之心悸經楊柳塘晚抵打箭鑪

人如蟻盤磨詰曲繞迴谿惡浪蕩翻滾崩崖斧削齊劍峯排左
右螺磴疊高低終日晴雷吼蠻荒客夢迷

出山至打箭鑪

入山雲來迎出山雲相送漫謂雲無心頗知交誼重

端陽節前打箭鑪行館感興

瘴雨淋浪驛館荒何期邊徼值端陽榴花也作瑛盤色蔗汁休

斟碧椀

鑪城寒甚凡涼物不宜飲食

我統偏師將出塞

都司陳啟龍帶領弁兵裹帶軍糧隨

行至巴塘換防

客逢令節倍思鄉渡瀘五月希賢相善撫羌蠻布澤長

初六日鑪關行館夜題

雨餘雲氣侵書幌夜半溪聲到枕函分付家僮整行李來朝出
塞陟層嵐

鑪關漫興

斗大孤城擁谿坳，杳以深峯環。寒倍峭地溼，晝常陰豹褰衣頻。
剪麀牙稻莫尋，打箭鑪稻米甚少，多食糲糲。行程何濡滯，半爲困淫霖。

十一日鑪關行館遣悶

小住鑪關感滯稽，神蛟舞出斷虹霓。

本定於十一日由打箭鑪出口，昨據明正司土司宣

慰使甲木參齡慶稟稱：東俄洛山水驟發，將河口一帶橋梁衝斷，須趕緊修葺，方能前進。因在行館且住，改期起程。籌邊

心瘁詩偏少。

近因乍了二喇嘛相爭一事，瑣靜庵制軍致微聲討其罪，烏拉是否阻滯，毫無音信。日切盼望，去

國程遙夢易迷。

自京距打箭鑪六千餘里，計程七十二站。峽束奔濤驚夜吼，峯環蠻

徼覺天低，振衣漢祠前，拜七縱勳高孰與齊。

十三日打箭鑪驛舍題壁

大壑飛樓繞氤氲，紫翠重窗虛排細。竹閣敞抗喬松，宦味如雲
淡。鄉思勝酒濃，灘聲喧晝夜。夏雨落前峯。

十五日自打箭鑪起程午抵哲多塘

也作平原十日畱快晴稅駕聽鳴騶徑紆犂确行胡礙午暖衣
繇著自由嶺簇蠻花翾蛺蝶澗萋野草牧羊牛埽空青嶂雲如
帶彷彿擔簦華嶽游

哲多塘舍

複嶺單椒一舍遙翠崖緊束玉龍驕蠻人深喜多恭順刊木隨
山補斷橋

矮屋三椽慣打頭屏塘涼翠可窗收夜深谿瀨潄潄韻疑住江
湖風雨舟

哲多塘

雲束山腰一翦齊意行暝翠壓眉低蒼松半號阿羅漢淨果常
參竺國西

整鬣駢征趣不孤白波青嶂路縈紆珍蘂紅紫多婀娜花石綱

中此卉無

提姑塘晚至阿娘壩

亂石欹崎鮮缺空
瀾瀾奔泉穿石縫
蝦鬚雙緯邪許呼
圍人呀喘肩輿重
蛇盤蚓曲度前岡
一片煙蕪好牧場
山鳥鉤輈溪滑笏
蠻花豔逐馬蹏香

瓦切道中

卅里平如砥
屏山市四周
沿溪橫略約
切漢壘碉樓
苗黍芄芄秀泉源
瀾瀾流出關
三舍路第一
此蠻陬阿娘壩至瓦切土產饒多儼有富庶之象

營官寨紀事

危礪突兀據窳隆
抗化苗民扼要衝
飛鳥難過攻竟破
蠻人猶

說岳爺功

乾隆年蠻人在瓦切築寨抗拒王師高據峯巔烏道連雲無路可登勢甚險峻經岳大將軍鍾琪率兵

攻破之今過其地蠻人猶能傳述或名作詩紀之

將抵東俄洛羣峯環抱松杉蒼翳儼如宣和圖繪口占
萬杉森立擁高峯斧劈皴痕雨點濃箇是巨源真粉本蠻荒收
入畫圖中

東俄洛蠻寨夜宿題

寒暄莫定戒南天五月披裘轉適然
妮嬭蠻花紅簇錦芊緜谿草碧鋪氈
橋傾野水頻驅馬箐黑蠻煙欲墮
鷺暮齒綏邊盡臣職

聖恩未報敢歸田

自出鑪關日與吟橋同宿驛舍行抵東俄洛蠻房湫隘
館吟橋於別廨戲題

妙墨淵雲獨擅長多君萬里共相羊
荒郵偶隔東西舍旅館何分上下牀
送酒猿奴勞才不翦鐙騎客益傍徨
說詩山驛圖成

後佳話新添俄洛塘

余於癸卯于役藩陽曾偕吟橋作山驛說詩圖今衛藏同行俄洛塘邊又添一段佳話

矣

瓦切道中無蠻寨可棲止遂支布帳於荒原間幕天席

地暢豁塵襟恣恣飯於帳中感成

星飯恣恣毳幕中舉頭尺布隔蒼穹迎人翠黛峯巒立市地蠻
花錦繡叢隨分酪漿充一勾達觀沙漠豁雙瞳木蘭扈蹕經
年事境不相同景略同

過俄洛松多橋

崇巖對峙接危谿杉木虛撐當彩霓濁浪奔騰湯鼎沸定心休
使客魂迷

東俄洛蠻舍題壁

矮屋渾如舫繩牀曲尺眠閉門吟飯顙隔壁漾茶煙旅况蠻荒

陋鄉心梓里牽呼童整裝謁高躋萬峯巔

東俄洛曉發登哥爾孜大嶺高日寺早飯

觚棱回睇五雲端牢落鄉思強自寬風遞鴻音家萬里雪迷螺
磴嶺千盤官來邊徼威尤重政隔荒陬信轉難草草穹廬聊一
飯幕天席地縱遐觀

近日乍了二喇嘛互爭一事巫山縣陳令尙無來信

哥爾孜大嶺書卽目

烏犍曳絳陟崢嶸雲際微聞叱咤聲大壑龍蛇潛白晝蠻天一
日幾陰晴

灘聲葉底殷晴雷繞鳥頽雲撥不開巨木槎枒橫窳澗蠻荒閒
卻棟梁材

東俄洛曉發

夜雨添涼些晨征草樹熏新籬編弱杞破寨臥荒雲山鳥鉤輶

喚蠻歌嘯噴聞環峯喜平遠松枯翠氤氲

晚抵臥龍石山店松峯相對頗饒畫意偶題

且把吟情寄百蠻
鞅塵半晌喜蕭閒
門前玉立蒼髯叟
共我無言對暮山

天際濃雲挾雨還
猶聞噴雪瀑潺湲
景光變滅摹難出
嵐氣青含雪照殷

臥龍石塘舍夜聞泉聲題壁

臥龍荒驛夢難成
繞屋松杉夜氣清
萬籟無聲山月上
階前琴筑亂泉鳴

臥龍石塘在深山向多熊豹土人未晚卽閉戶避之

寒森谷邃客傳伶
置屋懸崖勢建瓴
赤豹黃熊作人立
夕陽纔下戶齊扃

八角樓山行雜詠

沿山細路步嶽岑到耳禽聲雜水音
鴨腳蚰蟻樹奇古我來惜未賞霜林

亂山繭裏疑無路
犵鳥蠻花別有蹊
黠黠絮雲峯隱見
不分明處趣尤奇

層巒轉處抗迴谿
八角礪樓切漢齊
稍喜南蠻皆向化
萬松深

處築招提

八角樓蠻人建
廟祠關聖帝君

山中聞蟬

蠻荒五月聽蟬吟
非竹非絲夏磬音
漫謂冠綏羽蟲細
爲他振觸動鄉心

中渡道中三絕句

松杉蒼翳山無骨
湍瀨衝撞水有聲
奚必擔簦游五嶽
蠻陬巖

壑且怡情

雙崖緊束浪花噴水碓疑營板屋新佞佛俗同天竺國巧將激

酒轉輕輪

蠻人建舍山谿間中安碓布倫令水衝激旋轉製作渾如水碓番經噶布倫卽漢語轉輪藏也

荆關董巨墨痕新斧劈還兼折帶皴惜我未能通畫理狂思鼓臂寫嶙峋

河口山行口占

峭壁立千仞猿猱迴莫攀乘輅歷危險心慄髮將巖

河口借居汎倚峭壁千仞排闥送青顏饒幽趣率題一

律

涼翠四山抱幽居遠俗氛關門閒聽雨啟牖靜看雲樂志豈緣境據懷偶屬文雅龍江驛僻元賞獨超羣

河口塘房夜聞雅龍江漲聲感成

驚濤午夜激春撞撼夢雅龍萬里江鼓布雷門聲震一險倖巫
峽浪穿雙知津水手叩須渡去國鄉心陡頓降宦迹平生誇壯
觀翦鐙彷彿坐蓬窗

曉渡雅龍江

奔騰雪浪走中泓掀播艤艫片葉輕利涉平生恃忠信舵工那
得有權衡

同懷弟法良校刊

男崇福謹校重刊

抱冲齋詩集卷三十六

長白 斌良 笠耕

藏齋奉使集五

山行入老林灌木陰森遮蔽日月深峽晦冥令人心悸
晚抵麻蓋中

似蟻珠穿詰曲行斷槎怪石互縱橫深日月光常掩谷窳豺
狼窟易營巨壑畫冥人罕到奔湍雷吼馬頻驚淩淫瘴癘潛魑
魅巖嶮山川屬此程

麻蓋中旅舍夜聞犬吠聲偶題

杉屋支撐傍麓營松濤撼夢夜鐙清雍熙景象蠻陬見比戶欣
聞犬吠聲

菊子灣書卽目

蠻陬誰說景荒遐
萬笏芙蓉四壁遮
蝴蝶成團隨馬足
漫山開徧白茶花

晚抵西俄洛

路出窮灣口遶邊入大荒
高原下鴈隼豐草健牛羊
疊浪羣峯擁層雲
壁紫颶割羶支毳幕
風俗近蠻鄉

咱瑪爾洞

埽空蛾綠列崢嶸
解駁雲光曉放晴
夏草冬蟲籠藥裏
春花秋蟀感時更
迷離鄉夢滄難記
荒誕夷情說不清
聞道裏塘風物好
琳宮樓閣盡圖成

二十二日抵火竹卡

霧裏鞭梢響連鑣
陟半空泉紛多伏草
雲重慣騰霄藥氣薰人喘
地產大黃藥氣薰人喘
熱人間之多喘喘
禽聲隔樹籠數椽
杉屋陋火竹卡恩恩

將抵裏塘途中作

使星鞅掌促征鞍，詰曲山行路渺漫。
投足深谿半帟幕，盪胸大地盡峯巒。
芳原浩蕩甍平貼，野水滌洄帶曲盤。
膺服聖朝聲教遠，蠻王負弩走蹢躅。
裏塘土司松隆多吉腰靴前驅故及之

大橋口感成

何須振武恃弓彎，仁義藩籬控百蠻。
豈有經綸綏異域，敢辭風雪度嚴關。
桐花牂鳥七千里，蚓曲蛇盤十萬山。
奉

詔綏邊勵臣節，風塵遮莫黯蒼顏。

一作尺素經時猶未達燕雲悵脰望長安

頭塘向無行館，使節往來皆支搭蠻帳。
止宿黃別駕。

修代築板屋三椽爲憩息之所，二十四日冒雨抵此。

感賦

萬峯繭裏互迴旋，雨雪荒程徼外天。
東道喜逢賢別駕，雲坳深

北江雜詩集卷三
三
處築三椽

裏塘道中僕人孫瑞有句云蠻語難通休問姓野花無數不知名喜其能詩也書短句與之

蠻荒負笈不躊躇三月鶯花憶得無愧我學輸蕭穎士愛才偏值此人奴

過爾那塘

雪虐風饕黯客顏長征五月歷關鄉心無那難排遣洄湧蠻溪棘闌山

冒雨山行晚抵喇嘛垭

穿雲入幽峽黢黢疑甃底泉流肖驚蛇狂奔勢未已樹杪瀉山顛拂松滿頭水蔚藍天一角晚晴亦可喜

二郎灣

尖峯積素映天青妙繪宣和景不勝傳與與人休喝道恐教騶

從警山靈

山中如有響動風雪立至行人戒之

三壩道中書所見

卅里平如砥羣峯列畫屏雲根排鄂博石板刻番經

番人以石壘成鄂博

並用青石刊刻經文於其上

晚抵三壩峽中作

珠穿九曲蟻微行側嶺橫峯數不清一種景光摹不出蒼波倒映夕陽明

三壩塘房夜題

潑墨林陰合空山雨氣濃青氈鋪細草翠塔聳樓松瀑水攙溪水雲峯雜雪峯莫嫌居室陋隨意自從容

松林口

遠歷蠻荒馬足駸採風幾日懶謳吟
驀看奇景澄青眼急貯奚囊
懷素心峭壁摩天無寸土蒼松蔽日有層陰
山靈恐被窺真面翻學烏雲倏作霖

一作達觀隨遇皆安樂權當支藤雁宕尋

山中晴雨不常口占一絕

南薰賜葛朱明節我正披裘古塞行
峯頂高寒峽中熱一山氣候兩番更

大朔塘行館門前山谿中虹霓忽見五色迷離光彩燭天蠻人以爲祥瑞稱賀喜紀

碧巖深處駐旌題青嶂當門翠欲迷
多感山靈示珍瑞燭天五色湧虹霓

大朔山

羣山蒼蒼靜如太古白雲英英峯巔時吐松枝攬擎翠蚪盤舞

澗底奔湍雷門布鼓居高境危風厲如虎始悟卑棲莫余敢侮
奔察木山中遇雨

深林密菁氣陰森仲夏涼飈肌骨侵騫地風雷來大麓堅持莫
動妙明心

小巴冲

廿里依山麓延緣學蟻盤雲低時作雨谷邃易生寒脚底殷雷
震眉端苦霧攢駢征九千里前路尙漫漫

巴塘距前藏路程尙有四十五站

由巴塘牛古作

線路緣江潯威紆蟻磨旋繡黃瓜蔓水蛾綠翠雲巔看去真巖
嶮行來卻晏然冰淵雖自懷鞅掌敢遷延

竹巴隴山中作

雙崖壁立翠雲連鬚鬚夔巫峽裏天溪水澄鮮江水濁青黃匯

處浪渦圓

金沙江

金沙一道走長江光映斜陽勢未降誰把雲根置齊豫全隄不畏浪舂撞

竹巴隴蠻樓下臨金沙江

獨倚江樓最上層西窗掛起晚涼增緣隄客舫初停棹隔水人家乍吐燈如睡羣山煙靄暗流江瀨雪奔騰幾星漁火西興渡昔夢低徊憶也曾

空子頂蠻房題壁

藩房清切愛幽居明淨窗油綽有餘漫謂蠻荒居處陋萬峯排闥畫屏如

莽里嶺古松盤曲頗有畫意蠻人不知珍愛半作樵薪

賦此惜之

三成五粒格尤殊
韋畢良工未易摹
蟠曲蚪柯幽壑底
珍材誰惜半樵蘇

南墩道中見牧羊者

風翻麥浪綠雲鋪
牛鼻浮涼儼畫圖
細草如茵敷軟翠
酣眠堪羨牧羊奴

古樹塘有大樹二株本大十人圍乃千年物也令塘兵

護惜不許蠻人樵採賞之以詩

戴癭含瘤鬱輪困羽葆童童翠蓋勻
詎獨將軍曾憩息冰霜閱歷幾千春

乾隆間文襄郡王征廓爾喀在大樹下憩息

晚抵普拉

路出西崦口青疇四望盈
犁牛綠野牧蠻舍與雲平
麥秀畦塍

潤風來餅餌清中華好風景相對若爲情

普拉曉發

滌洄野水流無定四壁雲山入畫圖漫說蠻荒風物陋寒輕仲夏似春初

禽聲弄曉綠陰合牛鼻浮涼沙水清瘴雨蠻煙連月額崇朝攬轡喜新晴

午抵江卡

朱蓋琴麗映曙星蠻花犵鳥逐車鈴草痕軟藉絲頭毯山色橫拖雀尾屏遠道馳驅逾月竄危行呵護仰山靈蔚藍天染雲光燦頓豁心期一抹青

犁樹山中羅漢松

羅漢松高品格殊沿谿蒼翠愛扶疏攢擎枝幹龍蛇舞馬遠良

工恐未摹

阿拉道中

寂寞蠻荒路，駢征太苦辛。
千尋頻越嶺，百里不逢人。
夷險行難料，陰晴幻若神。
僕夫真况瘁，慰勞酒清醕。

石板溝道中感懷

萬里閒關不計程，側身天地此長征。
石巉浪駭空江渡，瘴雨蠻煙絕徼行。
身憊新詩無暇錄，邊遼舊政有人評。
一作峻嶺千盤瑩雪影危巖一
線繞一官奉使如成瑨，陡頓霜花點鬢明。
溪聲

旅窗感成

閒從灰裏撥陰何，明淨窗油寫樹柯。
薄宦大都緣境儉，好詩畢竟繪情多。
性於偏嗜皆爲癖，道欲成時半入魔。
垂老香山近禪悅，蒲團合十禮維摩。
余近日每日誦觀音咒願習禪定之學

洛加宗

京華賜葛含風日我正披裘立晚涼縱目寥空無障礙蠻樓延
佇月如霜

乍了道中

灘激滌洄驅馬渡峯巒匝巾肖蛇盤籌邊機要時榮念不覺駢
征道路難

昨抵乍了感懷

可能勢面盡心傾欲判夷情似水平不用熊羆張撻伐卻欣蠻
觸息紛爭忍將峻法繩荒服專務懷柔仰

聖明深算老謀期共濟早修書札報蓉城邇日欲將辦理乍了
情形寄知廉聚之妹

乍了行館題壁

矮屋三椽慣打頭四山涼翠可窗收時平戍士間爲圃手植嘉
蔬綠滿疇

昂地卽目

町畦界畫衲衣勻秔隴香風繞四鄰徧嶺烏銀誰解劇馬通翻
拾代蒸薪

昂地山中產煤鑪人不知劇用皆以牛馬糞燒火煮食

昂地山中遇雪

山中無定候一雪便如冬面目皆皴瘃遙峯積素濃

王卡道中

籃輿徙倚倚喬松萬笏煙縹潑黛濃誰向峯尖築蘭若老僧終
歲住山中

六月十五日申刻巴貢行館門前山頭忽見彩虹五色
繽紛垂光亙天與大朔塘川中所出無異越三刻許

昔昌黎過衡山瑞雲忽開東坡駐膠州蜃樓特湧

良

奉

命綏邊道出荒徼兩見山川之瑞紀之以詩

丁年未月剛逢望巴貢山頭臥彩虹兩度山川示珍瑞備深欽
感見神通

窟窿山

插天瘦削聳奇峯森列籤排萬笏同穿罅雲光飄颻懸嵌空洞
壑闢玲瓏誰開混沌虛靈竅迴勝般倅斧鑿工應有真僊此棲
託願求丹鼎濟愚蒙

巴貢山頭寫望

六月風光臘月同晴空獵獵響長風峯尖立馬神先王暖翠浮
巒萬壑通

晚抵浪蕩溝

巒翠晚猶濃，變滅在俄頃。漲滿寂無聲，斜陽轉山影。

過腳塘曉發

虎牙相錯嶺，呀咭如絮雲。光繞翠杉看，卻新奇行最險。不如歸去鳥呢喃。

過腳山雨中寫望

雲光解駁霧叢坳，雙峽松杉冷翠交。泉溜笑同斯世濁，吟情爭比眾峯高。磴盤滑澁行多畏，雨溼溟濛望易淆。輸與黃冠無箇事，白雲深處自誅茅。

纔行犂确轉谿坳，鎮日馳驅木石交。花不知名顏轉靚，松皆入畫妙能高。馬過危坂鞭須緩，禽喚喬柯聽易淆。不負駢征過絕徼，狂思招隱結衡茅。

雨中抵察木多

砢訕腳底一聲雷涼翠周遮望眼開潑墨烏雲峯影溼空山知
是雨飛來

過瓦合山

耳食崇山瓦合名半年惴惴懼長征辦香默禱蒙敷佑無雪無
風度石坪

由瓦合寨曉發麻密山

草輭沙平馬足駿迴環平遠度雲岑喬松翠醞藏山骨砥柱奇
標立水心已近郵程情自喜此地距前藏二十餘站未登危坂意尤欽距丹
達山尚有五站時有戒心多時淨洗箏琶耳日聽飛泉漱玉音

嘉玉橋驛館夜聞鈴聲有感

灌耳漚聲潯河流第幾灣清音疑急雨涼意滿空山羈客夢先

警忙人聽轉聞西招書札到

是日接靜庵制軍書開讀慰蒼顏

蠻人以蔬菜爲獻喜成

尖頭杉屋小於舟習得中華老圃秋嘉爾野人芹獻意朱提重
賚示懷柔

別蚌山峽

雙峽深疑術風來草木聲陰崖遮日月飛瀑吼雷霆巨斧何年
劈星輶此日經晦明終夕變呵護有神靈

過別蚌山中蠶叢鳥道嶮巖難行不得已下輿勉步感
作

蚓曲蛇盤綫路艱下輿也自步蹣跚笑余瀟灑無官態側笠支
筇畫裏看

西招踏徧嶺崢嶸記得花時別 帝京行路綏邊同一軌宅心

無二尙寬平

紫駝道中

蔚然松柏繞山頭
流水灣碕碧似油
世事達觀無不可
乘輿權當騁清游

碩板多道中
奇石巉巖溪流澄
澈風景甚佳
蠻人不知玩賞
騷客亦鮮經行
賦此惜之

雙峯對峙夾澄溪
蒼翳林巒半在西
湜漾水心涵藻秀
崕呀石齒截雲齊
蠻花倒影波俱活
犵鳥嘯煙聽欲迷
可惜荒陬幽絕處
騷人經少孰標題

碩板多夜雨偶成

涼雨醒山夢
寒輕生鐵衾
途長詩慰夜
睡短慮縈心
雲沍霽燈檠
泉淙訝筑琴
怪他程不識
偏懶和謳吟

碩板多借居汎房窗明几淨壁列圖書頗饒幽致戲題

一律

今日郵亭好安然一夕眠丁年勞使節甲帳集蠻氍靜有圖書
列欣無車馬闐乘時騰健翮鵬鵬在秋天月之二十八日立秋初秋可抵任所矣

碩板多道中庖人醋已用竭無處可覓感題一絕

羶根日食飯難加麴麥牛酥共煮茶

糴糴以炒麴和牛酥入茶同煎蠻人以此爲飲食

縱使微生應束手乞醯何處覓鄰家

中義溝作

驀聞途坦旅懷開松翠花明繞澗隈我與山靈如有約朝朝雲
際送青來

巴里郎旅夜偶成

鄉思亂如絮難憑酒力降怒狸潛伏壁飢鼠暗窺窗室靜燈明

朗溪喧浪激撞鞅塵計旬日安穩渡秋江

計程十數日即可抵藏衛穩渡藏江

二十七日宿拉子漫興

蠻荒絕少梧桐葉序屆新秋惜不知
驀睹沈寥天宇潔迎人爽入已涼時

二十八日立秋宿邊壩

自春徂夏正驅馳忽漫金飆薦爽時
峻嶺嵯峨警夢寐深潭澄澈鑑鬚眉
征鴻音到傳霜信戲馬臺遙迴繫思
奚必登高還作賦採風排日有新詩

曉發大窩塘鳥道縈迴險窄異常騎行遲緩至阿南多

山麓天已曠黑不可前進因就蠻房止宿焉次日晨起見山水甚佳儼然圖畫喜題

山徑昏黯欲度難蠻房信宿覓棲安若敘冒險深宵過那得晨

看紫翠巒

摩天峭壁聳巉巖雪浪澎騰走峽寬漫說蠻夷景荒率盪胸雲
海作奇觀

阿南多山中曉發

白露泣如雨侵晨草木葉峯尖青玉蟲水帶碧羅紋秋氣迎人
爽灘聲觸石聞天開好圖畫一幅李將軍

一作真人樓隱處欲覓武夷君

甲寅山行

歛山盤曲愛剌松烏道縈迴陟半空隔岸峯尖作平視始知身
已歷高崇

阿咱山中沿海子而行澄碧萬頃鑑人眉宇因和東坡

惶恐灘韻

鞅塵輾輾感勞人雪虐風饕萬里身勢面輸誠綏異域苾芻向

化倚微臣偕行友似同功謂吟橋日向行館同宿特出奇傳獨角麟海中向傳有獨角獸提督張必祿防戌時曾見之雲影天光明鏡裏慧心圓照此通津

江達道中

插天峭壁聳孱顏林木叢生石縫間不負蠻荒行萬里中華無此好江山

七月十六日抵藏喜成

半年車騎鎮長驅壯觀平生興不孤衛藏康居三部落蒨秦晉蜀四名都山川南戒多時賞風俗西招著意摹添得牛腰詩卷富海天高詠敵髯蘇

萬里旆征未寂寥佳兒妙友共攜招此行奏帶二兒慶福並約吟橋同往蒙茸不

覺三時改余自正月二十八日出都歷春夏險阻同經百驛遙

自都至藏計程一百二十餘站連轡雲程超絕徼挑燈雪夜話中朝關心秦隴

哀鴻集尚有憂民念未消

平生出處信豪雄北轍南檣四極通潭底三鬣騰異獸空子頂海子內

見綠毛異獸昂頭水中館前五色見長虹大湖塘館驛門前河內忽見虹光五色燭天有詩記異敢

追韓老衡雲豁漫比坡仙海市空欽感山靈嘉晚節肯將奇祕

示愚蒙

雪虐風饕抵衛城試鐙節候別瑤京苾芻受範馳牋賀邊壩道中達賴

喇嘛暨署理藏王諸們罕事時徵呼圖克圖差乃興巴持番書遠迎並送茶果勢面傾心負弩迎江達拉里

各處營官俱供烏拉甚為恭敬豈有經綸綏異域祇憑篤敬化蒼生公然一萬

三千里默佑平安佛力宏

同懷弟法良校刊

男崇福謹校重刊

眠琴僊館詞

長白 斌良 笠耕

百字令

贈濮四子耕兼以述懷用暴書亭韻

蝸角鷓鴣愧廣廈千間庇遮多士萍迹蘭交欣偶託杯酒平生
而已柳絮黏衣花枝壓帽春色濃如此登樓感賦半因行旅悲
耳 回憶踏雪巫閭望雲泰岱更觀潮浙水多少舊游如夢斷
車馬長安街市竹屋敲碁松窗煮茗消受閒中事人生行樂問
天天亦云是

壺中天

夕陽

遙天盡處訝誰人染就胭脂一片鞭影垂垂官道永極目柳陰
濃淡漢苑班好梁園詞客此際情何限幾回搔首碧空細數鴉
點 不信教妓樓空館娃宮冷更離亭客遠一樣低窺紅欲破

幻出情懷千變樵擔拖來漁罾曬罷影度林梢慢黃昏將近詩人偏惹腸斷

沁園春

白丁香

半畝瓊田一樹琪花香清態濃是何方吹墮涼雲淡蕩阿誰翦出暖雪玲瓏中酒心期嫩寒天氣姑射芳姿喜乍逢晶簾揭愛花光月影一色濛濛低枝斜亞牆東訝粉蝶飛過杳絕蹤似珠穿小朵亂垂瑣瑣翠鋪密葉低襯叢叢甲煎同盃辛夷比豔卯酒全消換玉容花梢動恍令威鶴羽飄曳晴空

更漏子

春雨達旦曉起漫成

賣花聲深巷隔低喚夢回芸閣紅燭燼繡衾單難禁昨夜寒月痕遮雲影揜人意爭如春遠晝寂寂雨疏疏花陰淡欲無

菩薩蠻

書所見

深閨晝靜簾波綠紅兒學唱玲瓏曲戶外有人行嬌鶯忽住聲
誰教歌宛轉生怕羞難揜俯首掠雲鬟琅然墮玉簪

十六字令

癡嬌小歌童唱竹枝秋波媚未解動情時

沁園春

楊花

似霧非花淡淡濛濛飛來可憐正瓊樓糝徧湘雲若夢珠簾黏
處楚雨如煙細逐鞭絲低攬帽影暖雪香塵散一天渾難定看
兒童戲捉越樣輕便旗亭人別經年惹無那柔情上下牽縱
化爲萍點依然飄泊吹過花片爭比纏絲殘雨平橋夕陽幽徑
欲送春歸何處邊真微倖愛封姨綰住乍斷仍連

滿江紅

惲忠寺懷古

法界香臺認京觀唐時塵穴歎貔貅盡北旌旗摧折野寺煙寒

埋戰骨幽燕草碧凝殘血論興亡老衲默無言尋苔碣 龍虎
鬪風雲烈後鶴變忠貞劫贖青燐幾點夜深明滅弔古憑誰哀
國士招魂從此歸槩湜慨山河百戰付空王昏鐘咽

夏初臨 初夏

嫩綠成陰殘紅堆徑棟花風信剛來春已難留爭教鶯語頻催
芳園隨意徘徊愛清和景物重開虛窗齊拓輕紈乍試小簾新
裁 如年晝永似水簾垂蜂衙未放蝶夢初回落絮飄花思量
往事都非香風依舊錦屏開又放薔薇燕未歸南山送雨漸響
輕雷

沁園春 指

嫩似柔荑如玉琢磨纖纖瘦生記魚牋疊就春痕宛在兔毫搦
慣秋露無聲寄恨頻含畏寒先斂那有閒情按玉箏拈紅豆向

綠楊影裏戲打黃鶯 彈來歲月頻更猶默數歸鞭第幾程看
染勻嫩甲鳳仙搗熟撲殘香翅蝶粉黏輕瓊院琵琶繡窗針荷
譜罷霓裳一笛橫芳心悔掠檀郎秀靨搯印難平

前調

淺注沈檀拈花微晒酥凝小紅記綵牋傳恨鬢殘玉管綠窗排
悶暗吸湘筒懶慣遲磨狂偏匿笑無限嬌生秀靨中櫻桃綻愛
勝常道罷蘭氣初融 有時譜按玲瓏悄不覺低聲唱惱公憶
痕畱香唾輕黏翠袂繡添弱線爛嚼紅絨豈翫頻含芙蓉乍拭
不點燕支何太濃纏綿話怕雪衣傳出漏洩春風

前調

細骨圓勻隱約香羅綢繆字斜看兩痕酥膩平依笙簾半彎玉
輦側倚琵琶雪藕輸肥秋壺比嫩懊惱濃薰長袖遮低徊久訝

守宮朱暈褪了微些
羽衣旋舞交加愛綰袂聯翩踏月華憶
裁絲續命輕籠綵縷挑鐙賭酒涼沁紅紗曲抱如環橫舒當枕
鬢罷餘芳流齒牙春來瘦怪微鬆條脫料是因他

前調

冬日偕汪蘭山夜話卽贈

國子先生磊落襟期慣傷寂寥對月明訝水窗虛似舫梅香攪
雪閣小於巢揮塵清談圍鑪雅集話到鄉關淚欲拋何時可檢
書簾茶筴早放歸橈幾番洛下遊遨歎不遇知音尾半焦空
情牽楊柳雨深白下夢迷煙月春老紅橋兩載蓬飄一官匏繫
愁比寒冰不易消休惆悵待禹門雷起喜送春潮

齊天樂

題良鄉塔

嵯峨高塔凌空盪何年建來斯土瓦縫苔皴牆隅草沒孤立獨
標千古閒愁漫與望依約參差薊門煙樹莫更回頭夕陽影照

斷魂處

先人墳墓
近在城西

登臨自成仰俯歎阿蘭寂寞稀逢吟侶筆

掃雲光衣浮黛色鳥下歸鴻無數零鐘斷鼓縱泥佛無心怎禁

朝暮佛意云何聽鈴聲如訴

聒龍謠

雪用竹筴韻

亂訝堆縣紛如擘絮糝徧瓊樓繡戶素觀雕闌宛赤城霞吐剛
明到虛白生時漸溼透輭紅飛處縱溪頭訪戴人來也難辨舊
游路 遙天淨凍雲凝鎖一色黯黯難分朝暮冷煙林杪送寒
鴉歸去點疏梅薄暈攪花灑密竹輕音疑雨認板橋人迹依稀
酒沾來否

臺城路

賣店途次遇雪

冰花誰翦凌空舞村頭望迷昏曉屋老檐敲籬殘樹亞寫出荒
寒幽悄雲中縹緲看浣粉山光玉龍天矯若箇能描天然潑墨

米家橐 青帘樹外斜
裏記約伴沽春前番會到柳線拖
蘆根擁絮隱約橋痕偏小
曉煙未了聽格磔鉤輈渚禽沙鳥
驢背人歸引詩情多少

蝶戀花

過盧溝

策馬盧溝風色晚
白草黃沙隱約新豐店
明日征袍須早換襟頭盡被緇塵染
愁似河聲流不斷怕似回波流去還應轉
正爾情懷無計遣斜陽紅透西山遠

木蘭花慢

上元踏月

御街平似水結芳侶趁佳辰看寶馬雲屯鈿車溢路暗惹香塵
良夜阿誰買斷衍魚龍陸海頓生春酒釀笙歌送暖更殘鐙火
畱人 青天湧出冰輪須玩賞莫逡巡訝萬炬爭輝千家散彩
一色鎔銀蟾光歲圓十二愛今番景物勝常新舊與梅花有約

歸來冷暈相親

高陽臺

侍姬鄭氏小字晚香以十七歸余奉巾櫛尤謹一夕忽夢與侍兒別於江上瀕行歌一曲音甚

淒婉曲名文鴛引醒時篝燈紅細
鑪煙香溫益難爲懷矣爰賦此闋

湘澤遺芳靈均毓秀幽姿藹若生香緣愛增愁釀成清夢悠揚
無端惜別春江遠按瓊簫譜出鴛鴦聽聲聲唱到將離恨逐波
長楊枝臨去情難禁恍瑤花委露素質經霜一半闌干遮來
人隔紅牆懸知笑語都如夢怕鸞分夢惹淒涼祝東皇願結同
心莫做孤芳

木蘭花慢

病中岑寂倚枕不能成寐因思六街鎧火之盛不禁神馳自笑非杜司勳何傷春之深也

瞢騰寒盡也渾忘了上元時想塵溢天衢鬧蛾競舞寶騎長嘶
枯坐翦燈窗小論心期只有素娥知煩渴茶香卻病靜魔梅信
催詩潛聽漏點聲移情脈脈意遲遲漸麝冷熏篝紅消蠟淚

寂寞難支東風遠吹耳熱是誰家合唱落梅詞惹起閒愁觸忤
居然綠鬢成絲

採春慢

春雪

涼絮飄香素靄凝彩矯首雲天似幕薄灑松蒼輕黏竹翠作弄
韶華如許剛野梅紅放早又被輕寒勒住把伊權當花看東皇
何事生妒吟賞自多佳趣漫短帽衝風瘦筇題句小鳳調笙
羔羊菊酒贏得繡幃春聚此際尋芳去板橋畔碎瓊遮路低亞
簾旌閒聽枝上禽語

澡蘭香

新浴

鳳釵翠卸蝶扣香鬆暗把麝裙解到蘭湯乍試怕熱嫌深羞見
窗鐙紅照漸鉛流粉浥梨花帶雨一枝娟好未識雙環贏得黃
金多少休說橫陳繡榻背坐珠盤已銷魂了足裊蓮浮胸搓

酥膩霧縠雪膚春攪拭鮫綃斜倚屏山打疊羅輕扇小聽軟語
低說新涼摘花微笑

壺中天

夏日集飲海槎園

輕車小住款銅鋪芳徑都無塵俗喬木陰垂臺榭隱舊認尙書
韋曲石瘦盤雲樹涼閣雨几榻新如沐閒來小坐主人休負清
福 偶盍三五朋簪新涼徐引任飄揚巾幅高譙南皮清興杳
千古風流誰續詩國清涼醉鄉廣大此外吾何欲仰天一笑蟬
聲驚斷濃綠

聲聲慢

秋雨

枯荷綴點瘦柳拖煙西風裊處悠揚舊夢輕敲猶記昔日聯牀
寥空織成密縷片雲低冷入瀟湘聽未了向孤舟篷背滴碎柔
腸 小院海棠開否想紅殷砌溼翠洗苔涼漫捲簾櫳寒意暗

襲羅裳牽人此時心緒攪清音砧杵偏忙始信道助閒愁滋味
憑長

風中柳 本意

歷亂愁根化作露條煙葉記旗亭琴書判別柔絲徐引憑情懷
難說寫秋心斜陽時節何處朱樓挽住冰丸冷月惆悵江潭
夢遠倩鳴蟬傳恨攪西風淒咽年時憶絮飄晴雪

齊天樂

沈湖望遠峯殘雪

西沕匳拓波如拭溪山雪晴侵曉粉浣螺峯銀流鷺渚展齒幾
曾探到推篷靜悄惹悵望灘頭黏雲衰草擲笛慵吹煙波可有
幾同調清游客裏難準虎橋空負了香夢迴繞鐙暗潮生櫓
搖冰語仿佛山陰孤棹江南春早愛水枕嵐衣峭風吹帽展玉
鴉叉范寬畫

前調

舟至宜興將渡汎湖寫懷

繡衣忽染緇塵色
霜莖鬢絲催老澤
國蘆荒郵亭梅凍錯認看
花人到冰漸衝棹任歷徧
東吳五湖三泖試問羈情纏
絲可似遠天草
鷗盟幾番間阻草堂稀問訊
後鶴應惱結屋梁溪買田
陽羨也識不如歸好塵襟都
埽伴雲泖飛鴻清愁寒照且
夢茶天龔春壺樣小

摸魚兒

憶內

驀驚回櫓牀殘夢
咿啞如答煙語蠟鐙紅透屏
山曲振觸泥人離緒眠也未
正斜倚薰籠僂指更譙數閒
愁漫與惹兩地情懷一般牽
挂蜨亂夢香裏人間事只有
歸期無據寒梅又作花矣中
郎走馬金貂肯忽被簡書催
去誰問取縱咫尺琴川怎寄
纏絲意天涯倦旅任翠麓西
神粉塘東阜知我泊何處

沁園春 鞋

卻怪蓮娘束筴纖纖漫誇彼姝甚弓彎巧製暖薰睡鴨圓跌平
斂輕并飛鳧屨響廊迴簾垂底露翹視剛贏三寸餘眠還未見
花幫半側偷掩流蘇十分添得婀娜縱未帶朝酣亦倩扶愛
霜凝藕覆紅跟斜蹴春融靄薦香屑輕鋪踏月蕭樓寒芳燕陌
層疊苔痕溼也無觥兒樣笑明金壓繡忒費工夫

前調 帕

綺閣寒輕繡領慵遮綃圍玉樓看雲羅半幅螭蟬脂凝雪規幾
疊紛悅絲柔蘭氣葳蕤粉痕依約容借題紅寄與不宮妝趁學
同昌新樣搖曳長秋背人只是低頭忽縠縐紋生慕變羞悄
圍春宛轉尖風暗護泥人願眄縑玉輕兜動掠珠環低偎翠鬢
雙結同心細綰愁春眠覺怕青綾錯認瞞睞頻揉

菩薩蠻

閨思

燒鐙門巷吹香雨，柳絲煙霧銷魂縷。
底事不歸來，梅殘杏欲開。
錦函傳雁足，背著鐙脣讀。生怕別人看，金篴鎖繡奩。

八聲甘州

正月下旬下，滯迹吳門，連日春陰。鐙穗一翦雨，

暗潛蚪潑墨，溼雲天。冷峭似殘秋，助羈懷、寥落楓橋。漁火簫市，
箏樓孤負，寒香千億東閣。讌甯休側耳，咿啞櫓搖夢汀洲。咫尺琴川，
歸未想、雨涼深巷。鐙架初收，怪無端、聽鼓又作浹旬。漫矜誇荀郎，
年少望青天，飛粟挽廬舟。誰知我繡衣青鬢，別具閒愁。

石湖仙

題唐陶山觀察石湖雨泛圖

楞伽一點映天鏡，煙鬟湖影清淺。何處覓仙翁，想頭白老鷗曾見。
滄波無恙，臘當日斜橋斷岸，尋徧隔闌干水。遠人遠，閒攬

金貂仙侶倚紅腔歌傳杯面溼句飛來涼雨催成天半鳳藻苔
殘魚亭夢倦年華偷換圖畫展他時認取鱸券

湘月

又題明月當樓圖

娜嬛舊侶對二分明月商量清課老矣重分黎閣影肯惜丹鉛
辛苦三百年文五千卷室故紙都鑽破停杯酌字仙風樓角吹
過爲想宋杏才名歐梅標格文藻傳江左半臂教添煩侍史
香露晶簾暗墮鐙火清涼蟾蜍今古白髮狂猶可羣星聚處高
歌霓曲誰和

買陂塘

余舊度青田印篆文曰琴川小隱簷頭幘尾時

山某清幽公餘挂笏頗極煙趣乃知宦轍所歷已
定之於二十年前爰譜此闕以志昔緣並要者和者

鷺低徊前塵昔夢宦游一任天付紅絲小籀鐙明石預把頭銜
鐫注容緩佳卻螭紐魚符幾領名賢里雪泥證取對一抹霞靑

半城螺翠印欄按簫譜 琴川路罨畫溪堪比數扁舟且自容
與楓江秋色垂虹長持較更饒風趣圖畫記愛蘭尾蠶頭認我
林泉主商量煙語學漁弟山兄笠檐簪袂閒侶約霜鷺

醉春風

閨情

弔桶心腸假背地分高下如簀絮語慣欺儂罷罷罷且撥阮膏
微薰麝注漫聯情話掩映流蘇掛寶髻抽簪乍忽驚蝙蝠觸
簾旌怕怕怕明日堂中羞難避面眉痕慵畫

浪淘沙

自京口陸行晚抵龍潭驛

籃筍踏雪層山柳飄零寒砧葉爛帶霜塍北固亂峯浮暝色萬
鬢螺青 畫鷁傍郵亭浪雪宵凝吏人初散竹扉肩隱几黃茅
江驛夢月轉疏櫺

前調

晚宿橋頭驛

容易掛柳帆愁緒闌珊黃茅驛古枕龍安驀見柳梢眉子樣細
月弓彎錦轡幾時還郵騎虛煩牡丹簾幕閣清寒藻鴨被池
薰不暖錯怪雙鬢

擁髻倦懨懨絮聒增嫌踏枝翠鳥喚鉤簾巧作連環杯底印乳
潑香黏黛子膩情慳懨懨眉尖輕拋好夢數銅籤懶記宵寒
塗麝劑袖約春纖

瑣窗寒

丹陽艤舟赴金壇治粟延緣村落間時寒蘆捲絮殘柳梳風雪意淒迷引人愁思歲聿云暮甯

處不遑爰賦此閑寄思

黛玉鱗皴鵝黃眼纈峭寒凝乍林垞按部小隊繡衣驄馬惜勞
蹤飛鴻爪痕雪泥還印芊絲野仁欄收繭栗林沈桑扈古幽圖
畫楓浦通蘆汊又曉角嚴城柳帆初卸射鴨堂空草沒孟公
吟社歎年時青萍浪吹假暖桃笙誰坐者拂障泥幾朵蜂鬢石

屋梅魂惹

菩薩蠻

閨情

魚雲霄釀瀟瀟雨無端作

去聲

出離人味兩地夢兒單青綾各自

寒

意藥銓花結風籟鳴窗隙教誰半臂添金堂合免嫌

春烘桃靨芳姿媚銅荷影寫屏山背密喚走佯佯嬌嗔略似狂

斗帳葳蕤閉知那人眠未良夜也無情蓮壺漏四聲

摸魚兒

盪湖船

鬪繁華吳船六柱蘭橈輕迅無比茶鎗風幔低平席慣載嬉春
游侶渾不住似燕翦臨波梭織橫塘路更番回顧昵蝶袖揜羅
鴛裙綉玉柔語和煙櫓句畱惹結伴王珣宅去垂楊幾樹斜
熾酒鱗細蹴笙脣潤蕩漾迷魂難主關心處認眉閣湘簾不是
桃根渡前塵記取曾雲溼魚牋葉涼鷗夢靜泛石湖雨

行香子

見道旁梅花

一笑嫣然縞袂蹁跹孕香心
皴玉勻圓空山寫照澹月分妍
愛峭掀篷亞低水瘦攙煙
驛使香傳官閣情牽透春魂別緒經年
蜂鬚鶴膝竹外橋邊趁
沍寒時殘雪徑嫩晴天

聲聲慢

自金壇放舟至溧陽風水相激簷窗悄然湖上獲江井叔手書約歸未就擁裘孤坐離索頓增

賦此代簡

雕旗色黯畫角聲沈寒飈作
聲就淒辛襍被囊書頻年棲泊勞
人黏天溼花汎影撼騎魂冷浸湖雲凝睇久悵平林壞塔遮斷
漁村弭棹琴川訪舊想蟲魚細注雅興輸君待辦山資共得
小隱閒身營騰又逢薦臘累薺鹽兒怕當門愧滋深布衣交長
此食貧

鷓鴣天

吳中和吳緒谷韻

綺錯紋窗瑇瑁舟紅牙檀板夜誰收藕絲鐙映桃花鴨筵簾香
眠燕子樓飛翠琰熱熏篝霏微梅雨夏如秋蘼蕪舊徑宮娃
館生得蓮花總並頭

摸魚兒

溧陽道中

指平陵接天短齋晨霞頰尾初吐鷗邊曉夢低徊久曳破一枝
柔櫓窗暝度剛漁浦橋痕低礙雲帆住羈淒情緒慣坐擁寒氈
風尖雪沍隔岸動津鼓郵筒數胥瀨昔投金處紅旌霜外重
渡螺研石屋煙痕細約略春人眉嫵歸未賦訝青鬢年華釀得
愁如許年時記否正暖炙鸞笙斜攏鳳撥花鬋錦鐙舞

春情四換頭

甜言如絮穠情盟海假心腸將儂買命應該怎推開簾犀押響
衣香靄桂蠟影圓鴛夢偕嬌溜金釵乖斜坐懷

賀新郎

良鄉道中寫懷

浪打孤城外問盧溝題橋名宿有幾人在百歲光陰如過客鵬
蟀相催時改怪旅況太無聊賴指點荒雲盤窄堵聳高標梵塔
層檐壞燕南滯十三載曉驅薄笨真無耐怎禁得殘夢朦朧
車鈴搖碎歸去南山思種秫語耦耕農叟權相待佩烏犍青鋒
甘賣偶話桑麻茅屋裏玉壺春日日街頭買釣鼈游跨東海

前調

春日寫懷仍用前韻

鞭影平沙外認郵亭疏楊殘堠風光宛在潑黛濃嵐青送客羞
對鬢絲都改鷺惹起騷懷無賴酒旆一竿搖輓翠語東風淡沱
休吹壞盧溝道經十載青袍郎署時權耐漫牢愁銅斗敲殘
珊瑚擊碎赭玉輕煙紅乍破輦名騶花裏提壺待換香醪鴉裘
拌賣猿鶴雲椒招隱地寄閒身好把青山買論壯志渺煙海

高陽臺

憶舊

碧瓦霜凝銅鋪夜掩悄焉月轉牆東十二瓊樓漫遮好夢惺忪
繡簾半揭春風露撒驚鴻一笑初逢最銷魂髮髻雲鬟墮馬妝
慵兒家近傍橫塘畔憶浣花溪曲低綰烏篷銀漢迢迢殷勤
青鳥難通綠雲已結梅梢子悵春歸空惜殘紅漫情牽鬢影衣
香別太恁恁

前調

文華殿曉直喜雪簡卓海帆尚書

鶯瓦搓瓊螭幻疊壁薇垣地位清嚴禁漏聲沈東皇翦水頻
添玉壺一片冰心澄矢臣心共懷頭銜歸轡整虹梁絮擘寶蓋
花拈遙瞻蹕路平如砥趁銀杯蹀躞天駟騰騫神策軍排
羽林銀鎧光連抽毫擬進昇平頌仁鱗膾炙同霑幸
恩承共直黃扉鼎和梅鹽

疏簾淡月

冬月十六日夜趨赴西淀保直寒月如洗清光大來悵望久之衝霜散步延緣扇面湖層

即慧福寺門尋僧靜空清話歸寓後倚枕不能成寐災硯挑燈爲填此闕兼邀周程主和之

蕭寥碧宇漸埽盡鱗雲野光如洗輪碾圓冰恰好纔逢三五清
游難得良宵值有誰人雋忍寒沍鏡湖匱拓瓊樓玉削倚筇延
仁消幾夜紅偎翠舞漫彈箏錦帳春聚如雨難忘輕敲白板
竹林深處瘦梅寂照僧衣白瀾花瓷評量茶趣肯辜梵閣澄暉
勝踏銅街千戶

高陽臺

萬明寺弔蓉娘墓

葉脫瘦槐雲封蕭寺翮鴻枉憶眉妝冷月棠梨那禁兩度清霜
妙蓮蔭庇朝雲影牘瓦鑪緇衲司香儘傷心暮集紅襟苔蝕黃
腸荀郎小製芙蓉碣悵瓊英化久秋老斜陽碧落驂鸞知他
何處翺翔寂寥埋玉芝龕側比璇閨子夜尤長黯魂歸佛火旛

風做盡淒涼

摸魚兒

閨情

記鐙宵擱堂錦爨畫屏圍住綃軟碧甌誰倩春纖捧分付鸚哥
頻喚歌舞倦惹銀鑿金波羞怯衫痕浣偷俊眼愛頰暈渦梨
眉舒煙葉句引芳魂顛璇閨怨驀憶嬉春游伴鳳簫臺角吹
轉幾年重踏藍橋路依舊桃花映面緣恨淺怎得倖劉郎尙說
蓬山遠昵情鶯燕認雪豔亭陰月香簾隙猶憶那回見

鷓鴣天

曉過金菴玉簫

浪疊鱗雲值嫩晴金鰲橋背偶經行樓從翠栢梢頭見波向朱
闌隙底明煙淡沱景澄清柳絲陰淺未曉鶯蓬瀛島漱差
堪擬便許從游畫不成

同懷弟法良校刊
男崇福謹校重刊

先笠耕兄幼嗜吟詠侍先尚書於之江節署一時名士皆聚幕府故早年詩風華典贍雅近竹垞樊榭迫服官農部從軍滅滑詩格堅老古體胎息漢魏韓杜蘇李五律則純法盛唐七律絕句亦不失中晚佳境秉臬陝豫奉

召還都時與陳荔峯李春湖葉筠潭吳蘭雪諸公唱酬詩境益臻上乘兩奉

賜祭名藩三泣商都驗驥跋馬古塞索隱探奇多詩人未歷之境風格又一變正如秋雲在空須臾變幻莫測故公自詠句云立馬高吟神更王四千載內第三人以薩天錫元遺山自況乃紀實也丁未駐藏一病不起悲哉法良時奉諱在都明年戊申司儲袁浦爰哀集遺詩延公舊友茗溪孫柳君孝廉代訂計原詩八千餘首余與柳君共商刪刪三千餘首尚存五千餘首分

三十六卷附以眠琴僊館詞五十五闕刊于己酉五月告成于
庚戌五月因識數語於後同懷弟法良謹跋

跋

今人足不出堂奧之外目不見文物之鉅而第尋章摘句嘲弄風月卽詡詡然以騷人自命間有一二清新之語亦切切如階下蛩耳何則所歷不深所翫不遠無由窮其變而盡其致也歲己卯_崑僑寓湘中星陔方伯以尊甫笠耕先生詩集見示受而讀之先生幼岐嶷侍達齋尙書於浙江節署未弱冠卽嗜吟咏與幕中名流酬倡之作已哀然成集洎由農曹而陳臬秦豫入貳秋卿輜車出使絕域探奇自南行北歸迄藏衛奉使以次釐爲三十六卷得詩五千五百餘首綜四十餘年中所至之地所見之物林陸異勢島峒殊形俯仰周流無一不發之於詩故其爲詩也高秀閒遠參差瑰麗如晴江淪漣孤舟搖曳目極川原致兼鳧藻而大風倏起激勢浮潏渾渾浩浩不可端倪非

徧覽天下名山大川與夫中外之典禮絕徼之風土人情一
有會於心而發抒於手者不足以語此蓋信乎所歷之深而所
翫之遠也是集經先生季弟法可庵鋟板於江南河庫道署
日久曼漶星陔方伯重校而刊之用播清芬以廣流傳因識數
言於後志景仰之意云

光緒己卯秋九月滇南劉岷謹跋